



疆場



光緒旃蒙大芒
落徐鳳銜署檢



漚尹大兄閣下前上書之次日郵局卽將東塾讀書記無邪堂畚問各書交來大集琳琅讀之尤歆快無量日來料量課事訖卽焚香展卷細意披吟宛與故人酬對昨况夔笙渡江見訪出大集其讀之以目空一世之況舍人讀至梅州送春人境樓話舊諸作亦復降心低首曰吾不能不畏之矣夔笙素不滿某某嘗與吾兩人異趣至公作則直以獨步江東相推非過譽也若編集之例則第日來一再推求有與公意見不同之處請一陳之公

彊邨詞敘

一

詞庚辛之際是一大界限自辛丑夏與公別後詞境日趨於渾氣息亦益靜而格調之高簡風度之矜莊不惟他人不能及卽視彊邨己亥以前詞亦頗有天機人事之別鄙意欲以己見庚子秋詞春蟄吟者編爲別集己亥以前詞爲前集而以庚子三姝媚以次以迄來者爲正集各製嘉名各不相雜則後之讀者亦易分別叔問詞刻集勝一集亦此意也至於去取則公自爲沙汰之嚴已毫無塵雜俟放暑假後再爲吹求續行奉告自世之人

知學夢窗知尊夢窗皆所謂但學蘭亭面者
六百年來真得髓者非公更有誰耶夔笙喜
自詫讀大集竟浩然曰此道作者固難知之
者並世能有幾人可想見其傾倒矣拙集既
用味梨集體例則春明花事諸詞其題目擬
金明池下書扇子湖荷花題序則另行低一
格而去其第一第二等字似較大方公集去
之良是體例決請如此改繕暑假不遠擬之
若耶上冢便游西湖江干暑濕不可久畱南
方名勝當亟游以便北首此頌起居弟王鵬

彊邨詞敘

二

運再拜上言五月廿六日

予素不解倚聲歲丙申重至京師半塘翁
時舉詞社強邀同作翁喜獎借後進於予
則繩檢不少貸微叩之則曰君於兩宋涂
徑固未深涉亦幸不睹明以後詞耳貽予
四印齋所刻詞十許家復約校夢窗四稿
時時語以源流正變之故翁皇求索爲之
且三寒暑則又曰可以視今人詞矣示以
梁汾珂雪樊榭稚圭憶雲鹿潭諸作會庚
子之變依翁以居者彌歲相對咄咄倚茲

事度日意似稍稍有所領受而翁則翩然投劾去明年秋遇翁於滬上出示所爲詞九集將都爲半塘定彙且堅以互相訂正爲約子強作解事於翁之闕指高韻無能舉似萬一翁則敦促錄副去許任刪削復書至未浹月而翁已歸道山矣自維劣下靡所成就卽此趑趄小言度不能復有進益而人琴俱逝賞音闕然感歎疇昔惟有腹痛旣刊翁半塘定彙復用翁悵確存拙詞若干首姑付劑氏卽以翁書弁之首以

彙部詞敘

三

永子哀云乙巳夏五月上彊邨人記

疆邨詞卷一

歸安朱祖謀古微

寒灰集

三姝媚 瞻園約爲西山之遊寒陰殢人

屢阻攜屐雪後引眺賦此代簡

晴絲橫苑路際林端微明禁煙猶互喚客山
禽盪倦情銷得探春詞句野水稜稜隔岸引
玉驄新步舊庵微茫祇有梅花撩人心緒
偏是芳游輕負賸小萼疏簪凍香誰護夢熟
西峰又濕雲和恨暗凝春素淡極愁蛾還惹

疆邨詞卷一

一

起啼妝人妒問訊香臺消息風鈴細語

烏夜啼 同瞻園仲實登戒壇寺千佛閣

春雲深宿虛壇磬初殘步繞松陰雙引出朱
闌 吹不斷黃一線是桑乾又是夕陽無語
下蒼山

夢芙蓉 羅睺嶺爲趨戒壇潭柘分道處

茗憩書壁用夢窗韻

溪霞明斷綺帶東風客鴈筍將十里鏡空春
路心緒淡蛾外汎萸謀野醉年年催載秋被
盼客山靈惜愁鬢未整鶯語亂呼起 轉首

瑤臺眼底疑有雙成結束連環佩舊塵如夢
還付亂雲洗駐鞍銷茗翠斜陽冷透峰意未
怯春寒知游仙路近微步響風水

繞佛閣崇效寺楸花最盛往年徐芷帆

養吾兄弟花時輒宴賞其下子

百一葉西堂季彥偁閒亦一至養吾下世駒

高當日風林已五年彥偁墓亦荷草矣芷帆

靈翼穿雲作楸陰感舊圖徵題屬筆泫然

不止黃墟之悲也

紺煙斂霽香外梵歇頽照蕭寺珠露飄藥慣

彊邨詞卷一 二

催俊侶年年貫春醉畫闌再倚誰料素約和

恨難理殘酌沾地夜深定有秋魂暗驚起

蠹壁字零落細數詞流空百輩何況故人傷

高當日淚總冷透西風鄰笛悽異斷鴻知未

有一樣西堂孤坐無睡繞花陰夢痕如水

鶯啼序龍樹寺餞別理臣府丞次珊參

輕陰倚樓易暝帶春雲步綺闌繞凍柳初

黃暗結沈恨天際細禽喚年光冉冉荒波盪

晚疑無霽滯離人腸斷斜陽絮點飄墜

載東華對酒念往信孤根自倚鏡中路窺熟
西池楚吟流怨紅翠賦深情蘭荃繡筆淚花
迸銅仙鉛水慣傷春蝶悄鶯沈夢醒何世

劉郎老去咫尺蓬山倦數舊游美天外緊東
風一信絳藥顛倒縹緲鶻聲誤人歸事銀河
夜挽珠宮晨叩香牋飛出迴鸞篆悄冥冥海
闕星垂地情絲怨極長宵霧閣雲窗頓拋亂
紅縈緯橫汾舊曲采石新吟料畫輪正遲
怕點檢鑪薰花外笛譜梅邊酒醒觚棱鳳城
十二東門帳飲西臺車馬江湖頭白回望處
惜芳菲須掩傷高袂白鷗去矣難馴燕幙孤
棲蕩魂萬里

婆羅門引

斜橋絮起亂紅牽恨點重茵慵鶯尚語殘春
聞說凌波新步遮斷繡漪塵恣蠟燈羅帶鬪
取閒身長安麗人算醉醒總迷津狼藉東
風不管只避花暝波簾翠顰夢不散相思堤
上雲釵鈿約總是愁根

菩薩蠻

西洲風緊騎禽喚文梁乳燕棲無地相望鬱

金堂氤氳心字香 芳粽山黛蹙自轉商絃
軸郎意未分明綠窗閒夢驚
鯉魚風蹴波鱗起黃姑夜叩星宮事含笑斂
冰梭微霜新過河 鈿箏長短柱掩抑聲無
主夢裏擲青梅苑花交扇開
花翻寶勒新豐騎沈沈芳晝金鋪閉山枕膩
紅銷當筵鸞帕拋 錦機無氣力密緒雙雙
織心事篆煙灰春羅書字來帶重
綠雲倭墮低鬟重無端青鏡相矜寵孔雀滿
東南水沈中夜添 有人紅燭背妝淡眉成

彊邨詞卷一

四

字何事種春愁春休愁未休

茱萸錦束胡衫窄乘肩倦態偎花立迴扇喚
風來春窗朱鳥開 壓愁麟帶重多謝行雲
送虬箭水聲微飄燈人不歸
宜曠宜喜紅雙臉新嬌一態無拘檢滿鏡淚
波酸妒春春向闌 中塘雙燕子學語差池
起辛苦鬪腰肢累花扶著伊
蜂衙蝶館參差對行軒四角流蘇綴一雲謝
橋風蠻花委地紅 玉璫緘翠札曲折何緣
達商略解連環人前出手難

弱楊睥睨秦蘅老馱金走馬長楸道寶帶鸚
鵒裘東方居上頭背丸珠錯落脫手翻阿
鵲際海發紅柔籜心花箭香

亂鶯啼破紅雲熱誤他濃睡花時節不折畫
鞦韆春人誰耐閒緗桃攀未盡暗裏朱顏
損教合玉鞦韆雙成聽不聽

鳳窠長晝蒙頭睡籌花鬪草原無意扶夢下
西樓芙蓉江上愁路長雙槩促隊隊紅衣
浴不合住橫塘秋潮日夜忙

開紅滿鏡衝單舸疊瀾不定銖衣鞞新語約

彊邨詞卷一

五

餐霞恨無書報他畱仙裙襴薄傾蓋鴛鴦
覺錦字太無憑閒愁攜手生

纔調龍餅畱人語旋捐寶玦催人去去住兩
朦朧靈犀無路通朝朝翻象局嬾劃瓊釵
卜不到落花時春愁君不知

昨宵解帶翻成結侵晨翠幌當風怯莫近水
西闌迴身羅裏單琴心相爾汝夢斷秦臺
侶賤管發秋慵鏡心閒淚紅

還京樂夜坐和夢窗

塞鴻近著意偎沙度月成秋響傷黃昏愁重

旋攏鐵馬檐頭悲哽濺淚花孤坐屏山背燭
幢幢影倦睡減遙夜怨起羅衣新冷聽壺
蓮竟夢滄波殘畫風鴉陣黑如塵垂翅未整
江湖畫角聲聲暗驚回雨涼煙暝攪愁腸是
按笛人稀餐霞伴醒脈脈窺華髮清霜飛上
明鏡

阮郎歸

夜窗書眼怯開帷
燈花收燭時
五更寒月不相隨
上廊林影遲
青史事碧山
棲蹉跎雙鬢
絲十年心事入
搢頤鴈聲將夢飛

彊邨詞卷一

六

綠蓋舞風輕遙和鷺翁元武湖消暑之

作同舟陽老人韻

一闌定風波倦眼登臨危闌對橫綺涼笛延
秋江湖歸未得淺醉慵倚切後吟魂又輕被
蒼絲牽繫正紅衣掠岸西風催墮愁藥杯
底遣得孤懽照影弄清波短鬢塵洗酒入襟
痕好心期換與故年間淚夢裏滄洲更不信
孤根無寄過江人銷盡看花英氣垂波未盡
塞翁吟葦灣汎秋晚蓮向盡以美成韻

體寫之

亂笛迴塘路催換野色瓏璁故情斷墜衣紅
浣急雨闌東客懷未耐秋搖兀慵對豔錦屏
空暗裏憶舊珍叢負一舸怱怱花宮星期
近南飛倦翼憔悴與津梁夢中料今夜西池
露下盼不到太乙仙槎怨入高鴻鴛鴦最苦
睡穩荒波猶夢薰風

白鶴角招寄懷半塘白下

送君後滄江晚望風幾度搔首鴈邊寒訊逗
破驛老楓游倦時候天涯未負怕負卻十圍
垂柳素石清泉儘有奈今夕玉關情祓清愁
無酒知否亂塵漲東夷歌野哭銷得殘陽
驟庾郎魂斷久進入江南玉龍哀奏冰霜共
守賸一抹峰眉依舊夢咽西窗燭瘦待商略
白鷗心迴腸又

采綠吟湖趺漾爲吾鄉煙水勝處長超

棲賢吳羌道場諸山紛在掌矚

荷香柳影追夏尤宜自墮修門

行二十稔中間再返故山耳暇

當倩客作玉湖趺館圖率依賞

以當懷歸之章

輓玉吳波路畫手點筆分明蕢風笛外柳煙
舳尾澄鏡無聲兩山青不斷斜陽晚數行鳥
度空屏卷迴谿蓮歌渺棱棱湖月又生 拋
斷水精宮天涯夢縈絲撩亂千頃三十六陂
秋但淚接煙程甚時真投老江湖忘機後商
略白鷗盟歸帆誤牢落鬢霜殘客茂陵 蕙蘭芳引

飄簾水花淺涼浸紺紗新覺墮一點風螢知
是扇羅倦撲漏長夢短去路阻屏山天角想
怨吟難就背燭玉繩西落 暗笛誰家飛聲

彊邨詞卷一

八

三四水調參錯算料理風情深淺淚都無著
題紅詞費桂宮隱約清夜闌誰慰小眉愁萼

解蹀躞

鴈聲帶愁飛轉漸換秦絃柱似嫌搖落江蘼
舊游誤心事別久誰知錦牋重疊緘成夢雲
無據 爲君訴依舊差池雙羽東風背簾覩
幾曾羞煞菱花好眉嫵眼看殘畫滄波夜闌
擘破篋篋勸公無渡

點絳脣鴈來紅

擡舉西風醉扶一捻鵲魂小誤花疑草別樣

傷秋臺天窺笑東鄰解妬宮妝好秋孃覺茜
裙顛倒收拾紅情早

風雲前調鳳仙

丹穴春姿託根翻戀朱闌好抱香多少夢穩
秦樓曉史新繡瘦損麻姑爪秋妝了守

宮紅小來伴花房擣

憇如蘭陵王蘆花和麟梭

竟頭白明鏡秋霜共色荒碕外搖露盪煙零
亂春叢換淒淒碧江湖味慣識牢落低舫倦笛
黃昏後無處頓愁愁似潮來夜風急伊人

彊邨詞卷一

九

舊游歷在買醉魚天分社鷗席涼花淺瀨秋
無極自濕漬衫絮忽沈笳管離披天水斷夢
失甚身世禁得江國待將息怕如畫煙波
皺破鉛墨沈陰斷鴈聲中黑黯雪片千頃欲
銜無力菰蒲何處歲暮約但睡憶

眼兒媚

雨聲迴潤故衣篝得酒病懷休舞紅銷盡西
風還送葉葉心頭行雲不受秋拘管將夢
上空樓夜涼雙鴈分明說與天路閒愁

齊天樂獨游龍樹寺有懷半塘次珊

高林葉葉無畱意長安頓驚秋少淚掩疏襟
愁呼斷角新結傷高懷抱歸艤路渺對搖落
滄洲夢痕千繞立盡斜陽故人不共鴈程到
清游經亂更減舊時嵌壁句空委煙草故
國驂鸞飛仙擁鶴消息微聞江表離心悄悄
付一笛黃昏水風殘調寄語南雲茂陵人漸
老

古巢聲聲慢十一月十九日味聯以落葉詞

見示感利

鳴蜩頽城吹蝶空枝飄蓬人意相憐一片離

彊邨詞卷一 十

魂斜陽搖夢成煙香溝舊題紅處拚禁花憔悴
年年年寒信急又神宮淒奏分付哀蟬 終
古巢鸞無分正飛霜金井拋斷纏綿起舞迴
風纔知恩怨無端天陰洞庭波闊夜沈沈流
恨湘絃搖落事向空山休問杜鵑

花犯辛丑除夜

影屏山鏡昏碎語春痕似依舊夜堂無酒憐
燕絲誰簪蜜苳孤守睡輕厭數殘更漏欺人
年事驟賸淺靨細梅三兩飄香黏半裏
籬外邊峭寒多頭番問閨苑東風醒否芳訊

換還惆悵綴旛人瘦簫聲送背鄰笑語容易
到林鴉驚散候料鏡檻飛鸞塵蹀新妝愁裏
鬪

楊柳枝

舊夢吹花著渭橋新愁封淚問湘泉永豐坊
畔風流極晚向人前鬪舞腰
無主樓臺半夕陽笛中人去更迴腸東風銷
盡宮黃點肯定愁鸞理舊妝
似水鶻聲一夕催青絲驕馬斷章臺分明搖
落江潭路依舊傴僂舞來

彊邨詞卷一

十二

通體當風弱不支年光銷盡斷腸絲不辭身
作桓宣武看到金城日陸時

虞美人

水堂煙月銷眉萼夢斷瓊枝約低顰深坐未
應知何事粉香和淚濕羅衣 暝空箏語西
樓起吹絮簾重倚看人花底酌清歌不信一
春夢雨比愁多

花心動花朝

若箇花枝稱東君年年盡情妝點舞趁繡旛
歌節金鈴不是等閒鶯燕隔牆還結鞦韆社

卻拋撇濃春一半謝橋外東風冷透採芳心
眼似水流年未縮空萬縷千條絲楊搓怨
一樣水西挑菜光陰只是鳳鞦人遠扇紈撲
蝶分明約思量後放慵歌嬾閉門又闌干亂
紅浣徧

花犯 越翼日雪中晦鳴見過

碾城根凌波路輒瓊妃下清曉凍禽啼覺驚
素影林亭芳意嬌小柳絲倦挽清明到和煙
冰斷沼望裏怯蹋青新步香塵輕換了 拖
筇犯寒故人來梨雲影亂撲風前衰帽絲鬢
冷聊溫取凍花香醪傷春慣費人淚眼能幾
度歌前同醉倒問瘦倚荒闌誰煥無聊鶯燕
老

彊邨詞卷一

十三

轉應曲

春雨春雨飄斷碧煙雙語雲屏一倍清寒獨
擁羅衣夜闌闌夜闌夜夢到寶釵樓下
春柳春柳昔日青青在否東風臨路千絲輕
薄看人別離離別離別鉛淚單衣時節
春水春水不寄盈盈閒淚年年流盡年光今
日聞歌斷腸腸斷腸斷道是病深愁慣

木蘭花慢送陳伯弢之官江左

聽枯桐斷語識君恨十年遲正濺淚花絲迷
歸燕老春去多時相攜夢華故地怪單衣無
路避塵緇錦瑟看承暫醉白頭吟望低垂
差差津館柝成絲離緒費禁持問何計銷磨
夕陽宦味逝水心期鴟夷舊狂漫理已沈陰
江表杜鵑啼莫上吳臺北望斜煙亂水淒迷

卷尋芳

鏡塵掩瘦簾月通愁人病孤館伴客殘春禁
受藥煙飄斷舊著香羅經酒帶新調絲軫當
歌懶暫朦朧有銅街咫尺鈿車雷轉便僂
倖城烏啼散更箭沈沈窗曙猶淺未必成眠
慵極半衾生戀鴈過時飄聞笛淚花開翻惱
登樓眼楚雲濃料輸他簸錢庭院

拋球樂書胡仲異淨業湖餞舍

一架紅樓面堞斜凌波百隊氣如霞瀘紗風
擁妙香入上枕山當蘇幙遮解妒棲鴛夢網
取吳魂便作家

二郎神借乙盦晦鳴梅生步淨業湖上

淚荷戰雨碎一鏡翠雲如瀉漸冒蝶香乾籠

鴛鴦陰減裝就城灣殘畫舊是瑤源凌波路洗
恨入鞦韆塵罽休更結冷禪一袈裟地水風
無價閒話滄桑事影玉尊澆罷問蠹粉詩
痕龕荒苔滿經歲蠻薰尙惹夢老西涯冷鷗
三兩空怨月明遙夜聽梵外似有簫聲斷續
凡人來下

阮郎歸

飛鸞闊裏舞經年銅花驕玉顏秋裳多定昨
宵寒啼蛄金井闌揮錦字擲金錢藁砧山
復山織成春恨儘無端殘機催下難

彊邨詞卷一

十四

霜葉飛 秋晚奉使嶺嶠晦鳴鶴亭梅生

集中聖齋用夢窗韻聯句錄別

越日待舟唐沽感音寄和

亂雲愁緒孤帆外隨風飄著燕樹倦程先鴈
下滄洲寒帶丁沽雨甚一霎颿輪過羽微塵
驚見紅桑古怕更倚危樓海氣近黃昏換盡
酒邊情素 何況北極觚棱東門帳飲怨歌
今夜難賦簡書猿鳥意蒼茫空覓荒雞語夢
不入尊絲半縷商量聽水聽風去賸恨笛飛
聲罷寂寞魚龍覩人眠處

前調滬上喜遇半塘翁作

過江人暮經年事鏡牀重話秋雨北風驅鴈
暫成行飛泊寒箏柱伴獨客零宮斷羽天涯
惟有啼鴉苦漫浪說浮家冷夢落滄波幾隊
白鷗同住長記墮策吹塵浮雲蔽眼上東
門外歧路賸烽驚斷後歸魂嗚咽銅駝語笑
一夕枯槎竟渡腥塵還傷蠻江去要故人登
臨倦自結春帆素馨開處

虞美人擬小山

朝朝愁黛羞鸞鏡腸斷安排定玉梅傳棧別
筵開卻道未須花謝便歸來炎洲路在屏
風上酒醒鳴雙槩淚花不惜浣紅牋知道黏
天波浪寄書難

瑤臺不恨驚鴻遠一樣秋蓬轉蠟花陪淚照
匡牀喚起盈盈猶是睡時妝牽衣怕領年
時味推酒成迴避閒情斷作水東流明日曲
房春老燕歸愁

南鄉子

初日上水西涯無人來弔素馨斜花底教歌
江上住鴛鴦侶只向海雲紅處去

雲澄滑霧花晞西樵山上揀茶歸山下行人
偏借問朦朧應半晌臉潮紅不定
三水口合雙江畫輪蹋蹋碾輕航船趁小風
來舵尾長年喜白日攤錢波浪裏

蘿幌合玉沙清一峰送過一峰迎日夕沾裾
榕霧濕行不得越鳥聲聲如勸客
中宿峽夜鐘寒訶陵環子尙人閒過客摩挲
嵌壁記猿歸未霧鬢風鬢明月裏
飛鳥絕怒濤吞蹋天無路割蒼雲竹纏縵厓
橫板坐樵斤和時有飛霞身畔過

彊邨詞卷一

十六

烏石渡數家橫今年雨少誤秋耕瘦日沈谿
饑犢臥無功課夜半燒畬巖際火
巖秀發勝江南一重鬟髻一重隘急漿衝波
催去箭升艫看詰屈流如大篆

支枕後落帆前客心孤迴滿江天手疊紅牋
誰與付曹郎句爲客正逢無鴈處

定風波

點鏡春姿起翠禽經年喚醒五湖心照眼嬌
梅臨水放惆悵疏香不上小紅簪 別去雲
耕千種憶無益狂來蠻榼百分斟江上北書

無鴈託休說海南千里瘴花深

解連環賦餅中落梅

碎鈿香迹引啼煙翠羽細窺簾隙黯帳紙殘
墨菅騰又攪弄麝塵半銷宮額拚忍清寒有
妝鏡愁鸞偎泣悵新歌散雪舊譜暗香斷紅
無覓 瑤臺夢中誤擲倩仙雲評泊笑靨羞
索待料理紺玉寒泉總浸作愁漪換春無力
未返芳魂料不怨高樓橫笛伴黃昏背燈瘦
影翠尊酌得

陌上花題隋董美人墓誌美人蜀王楊

疆邨詞卷一

十七

秀宮人以開皇十七年卒誌爲

秀自製道光初葉上海陸劍庵

官興平得此石旋歸徐氏燬於

兵張叔未謂才人美人十五員

煬帝時置開皇時未有此名董

是蜀宮人何以終於仁壽宮史

未之詳道生以拓本見諮率倚

此調

楊花落盡娟珉苔蝕粉塵凝處比翼魂歸冰
枕淚綃成纓落鬟故黛春何在十九華年空

度最無端萬里椒塗新踐竟沈仙馭 瘞花
銘漫草涼天斷鴈只稱聽風聽雨倩影高唐
香燼返魂無據別鸞柱譜千琴曲夢冷一絃
一柱草離離付與揚州一樣玉鉤斜路

清平樂南雄試院晚桂深冬始花

蜂黃未斛香外梅塵撲碎糝辟寒金簌簌驚
起月中人獨 年年夢冷仙梯凌寒露粟侵
肌銷得鈿筐淚點畫闌秋去多時

夢玉人引

誤驚鴻夢滄江上未歸客斜月空船慵對冷

彊邨詞卷一

一八

楓拈筆潮落潮生盪旅情半付沙頭風笛眼
底凌波比行雲難覓 錦屏羅扇到如今零
亂舊懽迹鏡語星星小蛾經歲愁寂封與相
思紅鱗寒無力料獨坐背絲霜不信鏡花今
夕

宴清都壬寅小除夕陽山舟中

餞臘蠻郵鼓聲聲急鴈邊低和鳴鷓瓊簫市
遠膏鑪爛薄好春何許橫谿數萼嬌紅點綴
入迎年秀語任向夕雪意垂垂韓山冷落眉
嫵 銀荷翠管西船歌呼簾博渾忘羈旅塗

殘燥墨沾杯淡酒自溫眠緒荒雞定憐沈夢
誤
是一夜鄉心幾處喚緒風帆色新年春程未

彊邨詞卷一

十九

彊邨詞卷二

歸安朱祖謀古微

腹痛集

阮郎歸月夜維舟撈伽峽山水幽篋孟

東野石籠澗詩序云四壁千仞

散泉如雨仿佛遇之

千蕖無蒂著巖坳飛簾噴雪銷濕雲雙東怒
匡高春湍不敢豪煙艣閣水鐙飄幽後三
兩號驂鸞仙路夜誰招月華搖鳳簫

玲瓏四犯

彊邨詞卷二

一

未減吳綿怪睡覺西園芳訊催晚一衷鑪薰
長閣暗愁成片天外似墨沈陰意緒冷社前
歸燕問鏡棱多少鉛淚不澗謝橋塵點翠
禽啼暝山屏半報春殘絮花當面紅樓繡箔
飄鐙夜猶道東風淺料理病骨夢中漸不是
年時羅薦待訴情無奈新聲盡參差金鴈
虞美人西齋雨夜送客

晚鶯簾戶飛杯罷檐語鳴風馬天涯春盡雨
聲中一寸燭花猶戀綺筵紅望京樓外浮
雲滿愁迸看花眼名臺吹冷舊黃金賺得五

陵驕馬少年心

鷓鴣天 韓江小舟庳篷狹舩製如吾鄉

又 試于疏雨鳥杉連朝春晴行潮嘉間煙韶

空谷之見似人也

沙尾風痕約晚涼雨餘山語響匡牀羅文水

比空隘定品字帆如畫扇張塵世事水雲

鄉鴟夷好計苦參商夢回月到烏篷罅便認

雙谿夜渡航

前調 威如屬和得遠樹二語爲足成之

彊邨詞卷二

二

句裏春姿發翠微拍天新漲麴痕肥亭亭遠

樹人離立拂拂輕帆鶯亂飛移晚棹占空

磯水窗飄笛細風迴眼中無限滄波意欲采

蘋花一笑非

燭影搖紅 晚春過公度人境廬話舊水

春暝鈎簾柳條西北輕雲蔽博勞千轉不成

晴煙約游絲墜狼籍絲櫻剗地傍樓陰東風

又起千紅沈損鶉鳩聲中殘陽誰繫容易

銷凝楚蘭多少傷心事等閒尋到酒邊來滴

滴滄洲淚裏手危闌獨倚翠蓬翻冥冥海氣

魚龍風惡半折芳馨愁心難寄

摸魚子 梅州送春時得輦下故人三月

幾望書

近黃昏悄無風雨蠻春安穩歸了
怱怱染柳熏桃過贏得錦牋悽調
休重惱問百五韶光醞造愁多少
新翼舊笑有折繡池臺迷林鶯
燕裝綴半殘稟流波語飄送紅英
最好西園沈恨先掃天涯別有憑
闌意除是杜鵑能道歸太早何
不待倚簾人共東風老銷凝滿
抱恁秉燭呼尊綠成陰矣誰與
玉山倒

疆邨詞卷二

三

高陽臺 惠州西湖朝雲墓在其左側

連巘平煙清波小鏡妝成縮本西湖語
變炎禽年光細草催徂分明玉璫紅
棉路笑暫來客意疏蕪太怱怱拖策
天涯疊鼓城隅一杯銷與羅浮碧占
清新風日天與髯蘇片霎鵲聲朝霞
飄墮漚珠丹成不共維摩去怕散
花人比山孤熨歸魂小碣蠻花畱偈
如如髮蒼顏正是維摩境界空方丈
散花何礙東坡贈朝雲詞也

點絳脣 舟行荷蕩側客有話故鄉花事

推枕逡巡打篷幾陣臨明雨雨絲纔住山響
殘鶻語爲惜江湖催辦鳴夷去凌波妒坐
中無數心在青墩路

聲聲慢西園消暑園在廣州提學廨余

襄公武谿集注所謂庭際羅立

九曜石者也

新花改岸頽柳通波舊家水石依然小祓聞
根風泉響出琅玕虛堂嫩涼收雨引秋心催
占鷗邊供晝永有分茶火續選石詩鐫 晚
晚年芳空惜被綠陰狼籍催熟金丸幾日珍

彊邨詞卷二

四

叢南飛越鳥巢安滄洲夢痕何處枕屏拖一
桁青山無路去倚清陰敷簟露眠

采桑子洪心孺席上賦橙櫟湯

水精眼夢人消渴不賜金莖憑仗纖瓊旋起
春雷出素餅一匙還乞蠻薑點石乳花騰
兩腋涼生風味清於醒酒冰

清商怨夜泊歧樵

蠻江鳴咽向夕歛又勁風吹灩似有歸漁籠
鏗重緊纜孤邨餘更統統夜漸深向誰肝
膽沙月冥迷荒螢三四點

拋毬樂鹿步書所見

照水孤墟出瘴林人家三五荔支陰網師午
散市聲減樵侶夜談山理深一葉挈音過驚
起沙頭墨色禽

浣谿沙

獨鳥衝波去意閒壞霞如赭水如賤爲誰無
盡寫江天並舫風絃彈月上當窗山髻載
雲還獨經行地未荒寒

翠阜紅厓夾岸迎阻風滋味暫時生水窗官
燭淚縱橫禪悅新耽如有會酒悲突起總

彊邨詞卷二

五

無名長川孤月向誰明

婆羅門引六月旣望水西小榭納涼憶

己亥是夕龍樹寺舊游用夢

窗韻

紗巾倦整繞池風起疊隘冰泠洽雨度高城
簾卷天東娥鏡娟夕素妝成柰臨醒玉豔尙
妒閒情南樓翠層記被酒蹋莎行未了琴
尊短夢驚散笳聲鷗邊社涼又拖逗秋心生
半庭芳卷墨自展羅屏

洞仙歌爲張聖雌明經銘匏瓜硯時君

琳腴新摘賸溫巖雲片鈎帶雙文似牽蔓想
松煤銷夜研寫羈愁摩挲處凝得玉鵝淚眼
呼童花外洗小葉幡幡涼翠漂香墨池滿
相伴壓歸裝象管鸞賤心心待秋波一鸞便
料理疏狂炙紅絲定銷與天孫畫眉新怨

訴衷情 癸卯七夕和夢窗

鸞軒秋訊有無閒樺燭掩屏山琤然露井梧
韻驚夢絳河還無別語擁眠鬢淚闌干蘭
叢風起未抵鍼樓羅薦新寒

彊邨詞卷二

六

前調又和

網絲飄斷水沈煙銀鴨穩雙眠侵衣露點如
雨坐看月流天茗岸路棹觥船是何年倚
樓心事清絕羅衣原耐秋寒

月華清 中秋對月懷半塘揚州

夢冷瑤華花凝絳闕素娥秋思多少暮合纖
雲吹占謝郎悽抱掩空絃怨鶴飛迴耿殘漏
夜烏啼覺誰到小驂鸞舊路緡塵親掃桂
粟闌陰望渺憶畫燭籠秋別懷千繞淚盡銅
仙攜得玉槃空好暫將息冰鏡閒愁懶斟酌

羽裳新調畱照爲紅橋廿四玉簫親教

三姝媚十六夕風雨獨坐輪香堂四鼓

始見月

冰蜨清淚苦漬天邊風聲雨聲無數暗額簾
深問素輝先得畫樓何處倚樹枯吟新怨繞
瓊空仙步枉說圓期病蟀僵螢伴成淒楚
殘酒天涯醒否算委轡織阿夢邊無路亂笛
參差傷廣寒吹濕夜薰如霧不信人閒還守
定霓裳殘譜盼極金波鋪滿誰磨桂斧

塞翁吟題林屋山人山水畫冊山人生

彊邨詞卷二

七

明季嘗浮江涉洞庭雲夢達巴

蜀窮黔瀕之奧歸隱吳中白蓮

徑上冊七葉筆墨簡逸無町畦

裔孫勞勉存令君得之梧州

繭足荒山去何地與著躬耕算不爲采芝行
老雪笈霜膾碧雞萬里歸來後門對舊日蓮
徑幾網屐足平生寫情付吳繪分明疏簾
底蕭寥破墨如坐我瀟湘洞庭問誰信紅桑
變景玉龍喚點滴微波淺到蓬瀛登臨未許
獨占危闌一桁峰青

解連環秋感和夢窗留別石帚韻

緒牽愁結被蠻薰沁骨素天無極
倚露并葉
葉疏桐信經過暮涼畫秋眞色罷
酒闌干鴈書斷浮雲東北望三山
鑿翠尺海漲塵有情難憶登臨故
權盡擲觀新霜鏡裏烏笑頭白待
叩君密約鸞釵怕著枕睡酣暗銷
瑤碧夢入關榆但流恨沈沈寒汐
背西風怨蛩細語伴人絮得

綺寮怨檢叢帙得芭帆侍御天甯寺重

九詞賤芭帆工貧善病樂數晨

彊邨詞卷二

八

夕者十餘載去秋慘焉執別旋
盜朝露感音傷逝以當招魂

度水風敲茸帽寺門斜照
銜記點筆半染萸丹松陰底
擁鼻微哦天清佛香自發招
提境淡月生翳蘿趁鴈聲未
落花前觥船瀉露菊秋緒多
鄭重舊盟礪阿陽關唱倦無
端夢醒南柯廿載維摩問生
意儘婆娑今宵夜臺秋語賸
怨瑟不成歌人閒逝波蠻賤
迸淚處飄玉荷

唐多令

廊蔭轉疏槐圓蟾明上階倚空尊涼夢徘徊
多少清湘瑤瑟怨幾曾有鶴飛來葉鐙萼半
成灰短書千里回報巖扃晚桂都開前度憑
闌人換盡問何事戀天涯

齊天樂芙蓉

輕紅不上瓊釭靨重重步幢新亞麝發潮妝
霞融膩玉臨鏡冰絲成把春魂漸化委香篋
仙衣冷雲齊卸喚起伶俜載秋單舸爲誰迂
袞裳人去未久畫闌憑不熟前度游冶豔
錦霜初斜陽木末愁入黃昏無罅仙城夢罷
賸鉛淚偷淹憶君清夜月墮江空翠綃何處
寫

彊邨詞卷二

九

水龍吟城西訪伯厚坐清佳堂偶述

鴈霜微壞林衣好山青出無人境谿流雲去
塢邀煙止秋垌如鏡嬾與呼筇塔焉隱几鑪
薰初定背闌干一角枯香冷翠畱不得驚鷗
影最憶凌滄佳興駐飛仙親題吳艇因依
未了西龕香火南園觴詠蠻羽無聊斜陽不
管荒波變景漫商量後約秋心似葉墮虛簾
暝

金縷曲久不得鶯翁書賦寄

下殿扁舟具傍滄江經年堅臥西風孤旅不
近彈碁中心局依舊埋憂無路枉贏得蘭成
詞賦衷墨淋浪神州淚算韓陵片石差堪語
歌不得獨絃苦竹西未是無佳處只吞聲
杜鵑再拜低頭臣甫海氣荒荒蛟龍惡我亦
枯槎倦渡尙夢繞牀風雨散髮相從明朝
事問江干鷗鷺平安否須爲報尺魚素

前調書感寄病山海鳴

斗柄危樓揭望中原盤雕沒處青山一髮連

彊邨詞卷二

十

海西風掀塵黯卷入關榆瘁葉尙遮定浮雲
明滅烽火十三屏前路照巫閭知是誰家月
遼鶴語正嗚咽微聞殿角春雷發總難醒
十洲濃夢桑田坐閱銜石寃禽寒不起滿眼
秋鯨鱗甲莫道是昆池初劫負壑藏舟尋常
事怕蒼黃柱觸共工折天外倚劒花裂

夜游宮舟夕孤坐榻人折臨水小梅枝

爲供

吹水疏香訊早紺壺煥迴鐙一笑零亂蒼鬢
枕函小似羅浮月昏黃夢中到天黯吹笙

道細禽傍空尊啼繞起換傷春舊年稟斷無人理紅簪歲華老

水龍吟 七星巖

午禽啼斷蒼煙暮然墮地秋星碎天風四咽泉飛轉側雲移向背上界齋鐘初寮佛火沈沈石氣對諸峰離立蕭寥水檻渾未覺魚龍戲一徑巖扃谿次洞雲深孤猿驚睡導人雙炬砂牀繡發湫匳鏡委欲理元言鋤芝客去安禪無地倩僧雛細撥馬蹄蹏薛辨開元

字唐李邕端州石室記石刻在巖下土人呼曰馬蹄碑

彊邨詞卷二

十二

喜遷鶯 羅江舟夜歲除和夢窗

風鐙搖暮餞闌歲暫閣瘴江雙臚分客餉枝看人花勝依舊故年游旅香汎舵樓松火紅上巖陰橘戶燕來早問殘寒銷盡芳音回否閒處孤夢寄煙驛幾籤斗挂蒼山午流怨迴潮年涯催送不送蠻帆一羽自酌屠蘇無味慵倚蕙鑪劃句漫移枕看檠花燭卷紅雲成縷

六醜 甲辰元夕舟泊端州郭外水鏡喧

闐嗑然其爲春矣

又東風漸起恨海角酬春無力市樓半塵籠
鐙搖素壁芳意疏隔暗裏年光去鬧蛾懽會
渺瘴江孤驛誰家噴起中流笛駕穩蓬萊六
鼇咫尺沈沈萬波吹息惹蹋歌一笑飛棹無
迹篷窗人寂擁膏鑪爛直舊侶瓊簫冷誰
話得銅駝夢繞香陌恣魚龍曼衍春城如墨
金錢換短宵懽刻管騰裏不省當頭自有素
娥眞色驂鸞事分付愁客到夜深點滴方諸
淚銀荷對拭

浣谿沙

彊邨詞卷二

十二

夢熟煙江十四程鬢絲堤柳兩盈盈年芳隨
水漫無情落酒東風梅便旋衝帆細雨燕
將迎春愁把筆自然生

齊天樂木棉

燭龍飛上珊瑚岸殷空萬鐙成蕾幹掩斑鱗
香銜絳燭凝作連谿朝采煙滋露漑就中著
溫茸歲寒曾耐老盡春叢可憐朱鳳故巢在
越王臺畔麗質照人風雨夜天半無晦爾
蝶移家蓉砂變景誰睇孤根嶺外交柯未改
好畱駐年年祝融幢蓋夢結扶桑日華擎翠

海

減字木蘭花 舟折滄江風雨淒戾交舊

存沒之感紛有所觸輒綴

短韻適踵八哀非事銓擇

也

淮流如黛六月吳篷懽共載解袂怱怱兵火

連天照海東 一官垂死訣我聯絲書七紙

風義平生慙愧山陽范巨卿

平湖何笛 帆錫驂

蛻君句律夾巷過從窮日夕霜月槎枒走上

樊樓賣酒家 竹林游在記寫八分招阿買

疆邨詞卷二

三

曙後星孤畱得傳家一硯無

長汀黎噴園 先生承忠

蒼髯樹頽落落潛郎三十載餘事荆關冷笑

濃雲邈遶山 荒亭接葉點筆便為求米帖

不辦歸帆竟了京塵粥飯緣

長興張叔 憲先生度

支離病骨一殉浮名成解脫破寺迴颯夜夜

歸魂季母招 落花及榻命燭論心恆見跋

何處沾巾斗酒青山北郭門

安吉施紫 明浴升

盟鷗知否身是江湖垂釣手不夢黃梁卷地

秋濤殷臥牀 楚宮疑事天上人間空雪涕

誰詔巫陽被髮中宵下大荒

富順劉 比部

蓬萊一謫誰挽使還文字職得喪虛漚瞥眼
驚藏巨壑舟相過魑魅糾纏幽憂非爾意

神理緜緜記坐高齋十六觀

道州何視孫維棟

交游海裏眼看聯翩鴻鴈起病骨西風一夜

霜摧鏡面容百身何贖累我阿連三日哭

池草春枯淚盡西堂夢也無

固始秦野篁鴻聲

劒頭微映海水刺天慄熱血慘月中庭誰解

張絃受廣陵富春一角零亂巖花朱鳥啄

白首何歸山色無人問是非

桐廬袁重黎昶

馮金門

疆邨詞卷二

十四

窗網黑四面春寒無極繞樹驚烏啼磔磔淚

花紅緯濕換了羅衣無力愁夢玉關消息

密誓鸞篋君不憶強尋明鏡隙

花漏急迴步地衣紅窄舞衷郎當隨促拍主

人翻是客今日雲屏芳席明日殘鷓荒驛

塌地陰雲濃似墨夢中何處立

詞三目哭

清波引勿幕亭酌泉亭在連州卅廿麓

小瀾不整是當日流杯佳境翠茵偎冷野風

盪愁醒玉懶散空響定有餐霞人聽自憐纔

淨聞根又飄落午時磬孤游慣領倚危岫

雲意未定地鑪供茗對煙緒搖暝清冷在山
性肯負輓轡修綆坐恐一片匳冰鑑人塵影

摸魚子清明雨夜泊英德寄弟重叔

一更更滴篷淒雨天涯人自消受倦游諸慣
汀湖味禁得病懷僂憊吟未就伴孤影幢幢
颭悞鐙花瘦離魂暗逗又禁火年光看雲心
事迸入夜鐘後還山約過了春鶉啼候輕
帆依舊孤負卅年社燕秋鴻迹多少淚華沾
裏君信否便燒燭聯牀不是尋常有蕢花十
畝要茶串商量書匳料理垂老鎮厮守

天香珠蘭

彊邨詞卷二

五

分畹青瓷通簾翠押酥懷晚豔多麗匳葉無
塵宮黃初麝小馥度人疑醉素纖細摘清露
濕珠孃秋佩釵串新裝鈿粟衣絡舊融檀泚
一甌點將春焙話懣懣瘴鄉身世誰省舊
香銷黯漸凝鮫淚孤醒闌宵似水怕零亂流
蘇夢難理自翦南沈芳心倦矣

木蘭花慢西齋坐雨感如書至

露涼花墮夕淺秋在水西闌看照鬢清波疏
人翠篔慣得幽單更殘睡遲病枕有哀蛩和

笛咽尊前獨客慵
吹越醞故人新費吳牋
居然畫扇好青山
邀夢發蒼顏
柰秋鴻蹤迹
江籬易擷
津柳難攀
愁端背鏡
自理過中年
禁得雨聲閒
莫道滄江歲晚
驚塵不到鷗邊

前調程使君書報半塘翁亡翁將之若

耶上冢且爲西湖後鶴之間遽逝

吳中賦此寄哀時方爲翁校刊半

塘定稿故章未及之

馬塍花事了
但持淚問西泠
信有美湖山無
聊餅鉢倦眼難青
飄零水樓賦筆要扁舟一

彊邨詞卷二

六

繫暮年情纔近
要離冢側故人眞箇騎鯨

瑤京何路問元亭
九辨總無靈算
浮生銷與
功名抗疏
心事傳經
冥冥夜臺
碎語咽飄風
鄰笛不成聲
恨墨盈牋
未理暗蟲涼墮
愁燈
昔年和翁生擴詞有云倘要離穿冢爾
何心長安市翁笑曰息壤在茲豈識耶

更漏子

玉釵風驚扇月閒
過穿鍼時節
籠畫燭待牽
牛無人獨上樓
樓前路孤帆暮
又送去年
人去將錦字上金梭
淺秋生曙河

夜飛鵲 香港秋眺懷公度

滄波放愁地游棹輕迴風葉亂點行杯驚秋
客枕酒醒後登臨塵眼重開蠻煙蕩無霽颯
天香花木海氣樓臺冰夷漫舞喚癡龍直視
蓬萊 多少紅桑如拱籌筆問何年眞割珠
厓不信秋江睡穩掣鯨身手終古徘徊大旗
落日照千山劫墨成灰又西風鶴唳驚笳夜
引百折濤來

哨徧甲辰重九讀弁陽老人賜斷紫霞
之作感念半塘翁悲不自持時距

翁之沒三月矣翁嘗爲半塘僧驚

彊邨詞卷二 七

自序輒槩括其辭以當蒞露原序日半

塘僧驚者半塘老人也老人今老矣其自稱老人時年實始壯或問之老人泣然以泣作而曰禮不云乎父母在恆言不稱老某不幸幼而失怙今且失恃矣稱老所以志吾痛也然則半塘者何曰是吾父以終老其敢一日忘之哉由是朋輩無少長皆以老人呼之而不名悲其志也老人仕於朝數十年所如輒不合嘗娶矣壯而喪其偶生子又不育嘗讀書應舉子試矣而世所尊貴如進士者卒不可得家人以老人之鬱鬱於前冀其或取償於後也召替之工於術者曰是半僧人命也老人聞之則大嫌乃自號曰半僧老人之爲言官也嘗

目掛辨如如偈但隨挈鷺提鷗伴侶默以自
容而已副其名者僅如斯老人之遇可知矣
喜遷鶯瓊臺長至和夢窗冬分人別韻
滄洲程別正凍醑酒懷稀逢南雪譙角宵長
客衫春瘦金線繡牀都絕倦擁蠹籤葉亂自
聽黎謳簫節恨兩鬢是清霜新點緜枝羞折
南越梅訊渺帳底暗香愁與青鐙結多事
東風天涯容易輕送瑄葭聲噎甚時斗槎回
汎心翦柔波春闊尋夢去怕離煙遮盡沙邊

黃月

彊邨詞卷二

九

六么令憶西園池上紅梅

石闌棲影零亂幾枝玉年年冷漪荒翠心事
媚娥獨一笑飛瓊戲挽銷得珠成斛料量金
屋吹簫聲裏喚起新妝倚修竹誰信空尊
易泣顛倒傷春局多少飄麝樓臺落靨東風
撲莫爲題瓊客去流怨松陵曲翠禽還宿卻
收鐙火自下羅幃夢蛾綠

浪淘沙

甲辰除夕和宋周晉仙明日新

谷而曰其年之作

何用買春錢擁褐閒眠勞生身世蛻中蟬一

枕雙谿明月路三版風船
愁信到鷗邊雲
水沿緣東風有約且懽然孤燭亂山殘酒醒
明日新年

彊邨詞卷二

三

東風有餘且懽然孤燭亂山殘酒醒
明日新年

彊邨詞卷三

歸安朱祖謀古微

懷舟集

春東祝英臺近欽州天涯亭梅

掩峰屏喧石瀨沙外晚陽斂出意疏香還鬪
歲華豔喧禽啼破清愁東風不到早無數絲
枝吹淡已淒感和酒飄上征衣莓鬟淚千
點老去難攀黃昏瘴雲黯故山不是無春荒
波哀角卻來凭天涯闌檻

飛轉南鄉子

彊邨詞卷三

一

流轉信天涯撲鬢清霜鏡裏催驛館濃花無
意勸深杯銷得閒愁淡蕩回倦眼若爲開
古鬲雙煙小炷培自卷單衣推枕起徘徊似
有春鴻輒語來

高陽臺客有示本事詞者率同其韻

飄箔衰鐙歸樓細雨隔年人換閒愁紅蘂辭
春東風蹀躞荒溝黃金鈿合同心結夢未闌
燕冷搔頭倚空簾明鏡徘徊鬢改花羞東

牆輕送斜陽老怕三年楚玉病不禁秋躑躅
吹湍白駒逝難留障花亂笑飛春語負舊

情麗玉筍篨算冷冷幾折迴波曾節秦謳
燭影搖紅

疊鼓沈陰粉梅飄畫餘寒醞社前雙燕不歸
來梁畫疑塵掩容裔絲楊翠颺怯東風新愁
澌澌纔收燈火未結鞦韆芳情淒豔無故
黃鶯背人啼濕沈香檻一春懽事水東西除
酒銷愁屨別夢銀屏萬感鎮移心箏絃未斂
笑聲歸路灑面狂花黃昏塵黯

虞美人

芳時獨客憐書札著酒還慵奮纔因蕙草憶
羅裙無數東風驚夢不成雲冥冥一浦沈
香雨碎鏡流花去未能無恨對春潮賺得迴
帆心眼到今朝

琵琶仙送褚孝通移疾歸杭州孝通新

悼亡

歸到西湖未應誤豆蔻櫻珠時節無那孤瑟
絃空春聲帶愁咽蘭棹殘鴟淚點怕啼濕
故裙塵篋中酒年光收帆興緒容易華髮
待催辦腰笛單衫趁茗水東邊舊時月相送
荷花一路把君恩重說春漸老幽單客枕拚

十年逝水銷別可柰江國漂花瘴天啼鳩

前調送朱敬齋還江陰

殘酒辭春渺千里岸草征袍同色離緒輕結
柔楊絲絲怨行客茸帽底暄風暗咽盪愁滿
亂雲江國越縵離聲吳艫俊約須記今夕
是蠻海飄泊歸來甚臨別天涯又寒食顛倒
玉觴無味苦低垂頭白人意比飛花更嬾怕
隔年冷了詞筆好趁萸甲光陰醉君重碧

聲聲慢城北一廢園新營花樹激流植
援游事甚盛

彊邨詞卷三

三

城痕煙結鏡曲香銷巡闌遠避塵紅未近黃
昏無人冷翠濛濛西鄰舊家雙燕倚嬌瞋新
妒雕甍尋勝處是檐虛岫納屨響廊空誰
信傷春倦客費臨花驕馬愁對巫峰多宴心
情飄鐙闌夜偏濃尊前幾人閒淚背東風澆
與珍叢酒醒未墮嬌雲一片夢中

浣谿沙

己過茶蘼未藝蘭蝶愁蜂笑兩無端旁人剛
道好闌干排日清歌巾有淚憑春短袂手
驚寒早知芳節挽回難

誰闢球場試馬蹄春垌小隊暫提攜橫枝岡
路野煙迷 西海有情添漏永東風無力辦
花齊相逢且唱白銅鞮

日飲無何但舉杯觀空一笑醒心飛扇塵何
事點輕衣 別樣雲山憎入畫同行鳧鷖漸
無機御風躡步是真歸

徵招殘暑方熾騎秋一雨園林戶箔灑
然碧池風來竹聲戛戛落波際數
簞水西榭與重叔夜話依白石自
製腔寫之並拈其詩中句發端

彊邨詞卷三

四

人生難得秋前雨天涯對牀今夜倦客總無
眠儘挑殘紅地卅年哀樂話未銷得酒杯陶
寫斷續檐聲轆轤鄉緒併時縈惹 圖畫白
蕢波扁舟月何時喚人東下問訊五湖盟有
羣鷗來迓葛巾慵未卸似客燕尙迷殘社水
窗曉明鏡徘徊覩素絲盈把

月華清乙巳中秋和酉菘

玉籟銷涼林霏散夕上簾人在香徑憔悴圓
姿櫛櫛細雲遮定露槃空天袂知寒樹香老
畫闌懸暝誰省問山河小劫幾多殘影 桂

殿秋醒未醒待訴與方諸淚珠哀迸萬感孀
娥禁得管絃淒哽漸拋殘舊舞霓裳好催放
破空金鏡傾聽是誰家怨笛待它端正

秋霽園夜臥雨蓴鱸之思益深和梅谿

別枕潺潺障暗雨簾衣暈冷燈色瘁葉涼喧
晚蛩愁咽病懷慣禁秋力倦吟暫息夢痕宛
轉蓴絲碧問故國誰睽夜闌孤坐瘴鄉客
驚臥歲晚亂落江蘼釣竿沈吟詩卷疏寂背
西風殘鶻苦說青銅欺鬢盛年白歸事布帆
從辦得怕酒醒後驚見畫裏湖山采珠荒水

彊邨詞卷三

五

擣塵新驛

暗香半農誦示蘇龕和石帚之作再踵

其韻

露蟾玉色凝酒邊淚點東風聞笛夢老石湖
出手高枝未忒摘臨鏡傷春幾許愁思託江
關閒筆喚睡覺一片仙雲幽語鶴爭席泉香
國舊約寂斷瘴海萬重半蓴塵積鳳牋誤泣
不許相逢許相憶金屋商量未準移怨咽羅
亭荒碧待寄訊稀翠羽冷崦耐得

西平樂別西園作

灌木愁鴉露莎拋錦離思暗落迴廊彈墨單
衣勸書深燭清懼草草三霜看抱葉香枯翳
鏡連雨萍沈敗艇西風漸老冥鴻去翼成行
誰許驚塵海角紅荔顆絳纒北歸鯨蕙簾
蘿幌仙書映掌花藥澄湖虹月英光銷不得
能言怪石鑿空靈槎說甚虞翻宅徒陸賈書
新一夜江湖夢已涼梁燕再來巢塵簌簌鑪
穗愔愔悵望天涯罷酒闌干憑誰指與斜陽
清平樂夜發香港

舷燈漸滅沙動荒荒月極目天低無去鵲何

彊邨詞卷三

六

處中原一髮江湖息影初程舵樓一笛風
生不信狂濤東駛蛟龍偶語分明

浣谿沙贈劉語石

著酒單衣帶眼磨十年流恨滿吳波秋來獨
客易悲歌煙月懷人詞筆瘦江關費淚笛
聲多韓陵無語柰君何

木蘭花慢歲除苦雨兀坐篝燈賦此遣

洗梅根墮粉換年事雨聲中看蜜炬籠花
粲添勝圍幙香重樓東曙鴉未起黯歌塵猶

顛好簾窠吟興玉巖旋引曲游金埒還慵
懽棕半冷翠盤龍多事買吳篷笑黃柑未擘
洗妝清靨慣濕春風相逢鏡屏夢底問歲寒
宮裏幾時紅雙舉流霞漫勸老懷翻惱瓊鍾
聲聲慢題叔問戊戌沾上詞卷

傷高中酒去國行吟秋風倦旅天涯落日長
安浮雲西望能遮津樓臥驚涼雨燕辭巢客
未還家背燈起爲清愁斷水病眼看花醉
墨烏絲多感歎十年塵迹身世團沙人事音
書不堪重夢東華哀時庾郎蕭瑟仗江關詞
賦銷宅歸計晚倚吳燒慵和浣沙

彊邨詞卷三

七

探芳信春城連雨游計因循叔問拈夢
窗雨聲樓閣寂寞收燈之句切

情依黯約次其韻

燭花瘦問夜吟詩肩清寒支否殢翦鐙簾幙
澆愁但偎酒細禽啼濕西崦夢半落東風後
坐透巡汎舸游情看花芳候巖徑蘚斑繡
正撩亂蒼鬢鈿塵迷晝未穩陰晴探匳卜欠
紅豆翠眉誰惜年芳去惟有纖纖柳黯江城
似墨吳雲滿岫

八音 玲瓏四犯城西探梅笛聲起鄰舫中迴

棹譜之

壓水夢寒濛花霜淺空陂鷗逝何許數峰青
弄影酒洗吳臺古何郎舊情未賦又東風畫
船煙浦淚粉春魂鞭塵游事吹老玉龍苦

行雲滿垂虹路憶疏香步綺低髻迎戶往來
羅衷盡早蝶衝寒去清歌自在人間世送閒
客幽單春旅愁寄語無人問題裙舊侶

慶宮春結草庵拜半塘翁殯宮作

頽堞銜煙昏鐘閣水野鷗喚近清明華表驕

彊邨詞卷三

八

魂黃壚吟伴暗塵房檻深局斷雲玉笥感詞
客依稀有靈新腔愁倚一瓊泉華還薦芳馨
哀絃凍折誰聽淒唳修蘿山鬼逢迎蓬島
塵狂芝田日晏夢游翻羨騎鯨淚珠千斛拚
一向寒原縱聲孤畱何事身世浮漚休問殘
僧

楊柳枝

故苑腰肢掌上輕花街蹋馬舊知名啼鶯莫
訝成陰早栽近津橋眼便青

人道枯稊不作絲迷離煙雨又龍池東風吹

作流萍去勝結菖蒲解笑誰

橫笛吹花出汴州長條抵死鬪風柔錦帆自
解傷離別無復春波斷得愁
雪絮相和減卻春樓臺白日斷歌塵金鞭分
道長楸去莫笑章臺舊舞人

齊天樂叔問新營樵風別墅將買春西

崦歸補梅竹籬落閒愁雨兼旬

戒寒不出見示新作依韻報之

釅寒城郭花如睡連宵但聞淒雨舊箔飄鏗
新泥帶屐屨縹緲空山春緒尋鷗路阻問荒雪

彊邨詞卷三

九

西灣斷盟誰主翌指霜絃夜窗愁按去年譜
垂虹斜畔倦鶴繞枝千百轉空怨期誤蔽
竹書櫺交枝鏡幙拋卻疏香一塢吳波似語
怕重蹋蒼巖麝塵迷步後約幽鄰夢雲分水
墅

烏夜啼

西樓一夜潺湲玉鑪殘只有杏花同度五更
寒春潮長空凝望木蘭船不信歸期錦字
更開看

木蘭花

華燈添酒西樓別酒醒天涯聞語鳩曉簾隔
淚數殘葩夜鏡和愁遮滿月 相思畫字箒
塵滅緘恨玉璫終不達一春孤館雨留人憔悴
東風無處說

三姝媚

江城寒食後倚深尊難澆醞愁如酒夢迹樓
臺半柳樵花悴暗塵春繡坐暝層簾重步影
紅香三嗅金縷休催摘索空枝玉織冰透
天上瑤華別久料抱得秦箏豔陽彈瘦淚雨
羅窗有鏡鸞親見病雲眉岫諱說春寒斟酌
到憑高雙裊斷送梨花空苑東風認否

慶宮春

鳧玉封煙蟬梳拋黛鳳窠旋旋黃昏流管梅
芳緣屏蘭舊怨蟾不照孤顰絮絲亂又重
疊清寒著人宮衣添未催罷鸞牋銷瘦眞眞
相思化作仙雲捐玦中洲心事虛陳傷別
啼妝端憂靈體蘅皋重夢無因墜懼尋去鎮
呵淚紅絛鏡塵迴衾燈暗還數中宵鶉語殘
春

鷓鴣天

作惡東風十日陰，春愁吹雪上疏簷。
荒白日人閒世醞，醞蒼波逝者心。
書易倦，酒慵斟，孤懷無地與登臨。
江城一夜黃梅雨，不抵虛舟淚點深。

阮郎歸 隸西山行偶書

水壩花瀨上，疆邨雙谿溜。
竹分鬢絲供得十年塵，飛泉清角巾。
控瘦策，理空綸，重尋鈞石溫。
年年含笑待歸人，春山清淨身。

松風夾徑響鳴篔簹，雲相後先。
丁丁啄木似哀絃，居人方掩關。
羅帶水，玉屏山，誰家好墓田。

疆邨詞卷三

十一

墓田野花香繡翠，微邊春樵紅一肩。

木蘭花慢 重宿西湖退省庵時湖上人

家雜居樓閣突起與十年前

風物又異矣

賜明湖一曲認喬木，中興年算小隊郊垌。
中原壁壘天放身閒，頽闌舊吟拍處，問月明元鶴幾時還。
戰艦東風夢斷，畫匳西子妝寒。
無端金碧擁檀欒，唐突此湖山。
念吳峰立馬，荷花桂子，休唱屯田。
延緣釣竿未買，怕魚龍風惡攪鷗眠。
醉拭西城殘淚，衰楊鬢影鬢然。

二郎神西谿交蘆庵爲樊榭老人及其
姬人月上祠粟主處

鏡流換眼避舊約弗湖墨舸聽水樂空巖煙
禽深竹如喚緣流客坐往日詞仙尋秋地有
顧影驚鴻來墮曾梵夾寫名唐詩摘句等閒
功課無那維摩病侶松根長臥問丈室飛
花恩恩何事收拾人天淨果擁髻因依倚聲
幽款贏得定中香火殘鴈外瑟瑟蘆風漸起
送神絃和

柳梢青虞山蒙叟湖上句云主人要悟

彊邨詞卷三

十一

虛舟理但看紅妝與翠微晨起
獨至定香橋觀荷口占短章聊
爲叟語下作一轉倘所謂我轉

法華也耶

一角風漪文鱗吹去錦羽捎回妮隊頽霞弄
珠無力明鏡徘徊虛舟自解忘機漫消領
紅妝翠微三宿湖山廿年塵上誰是誰非

采桑子湖上道暑日課小詞仿六一

人言汎月西湖好連夕雲陰蕉櫪蕭森辦得
閒房聽雨心素娥似惜人寥寂低挂平林

催轡西沈出意來宵款款臨

三潭月上西湖好載酒來過髡柳無多柰此

彭郎白髮何憑闌纔覺秋香重萬笠風荷

萬點秋螺浩翠如潮赴鏡窠

看山覓句西湖好小牒中流水枕花幃無數

風光點筆收暝搖一葉蒼茫去浴鵲灣頭

蟬語絃秋何處詩人黃篋樓

佛香仙唄西湖好住近南屏病耳冥冥慣數

清鐘向晚聲夕陽黃到黃妃塢草樹鬚髻

照影分明巾拂頽然一老僧雷峰如老衲宋
吾子將語也

彊邨詞卷三

三

閒鷗最識西湖好肯別青墩來話君恩一葉

扁舟著岸人三旬且住軒中住潭舫開尊

鬪取閒身明歲花時準到門

燭影搖紅月夜汎舟裏湖徧弗六橋並

丁家山而歸山椒一圍歌鼓

微曙

壓鏡秋姿四山濃黛和愁斂浴空蟾影轉斜

河三五涼螢閃清景人閒易欠洗閒情筒杯

未釀宰波鐘罷歸盡連錢蜻蛉孤汎欺月

珠鐙隔花飄出閒闌檻亂催阿濫聒清宵魚

鳥應微厭殘晝滄洲半罨挂西峰蒼龍啖啖
昏鴉醒未風外稀疏重城更點

訴衷情 田田榭夜坐

並湖亭館鶯波平屏綺淺藏燈屋山倚扇孤
坐竹尾看移星歧路事倦游情夢難成露
姿銷盡玉簫端然一夜秋生

齊天樂

幽花一暝秋如夢慳慳翳鏗籠帳淚匆冰綃
愁量錦瑟香咽纖魂還傷淒風自颺卷葉葉
羅衣冷薰空桁誰侶雛鶯夢游分影夜江上

彊邨詞卷二

七

多情最憐小玉結連環短佩仙步來往舊
月鉤闌殘雲鏡奩供得閒人惆悵孤懽半強
任落拓江湖楚腰慵唱起玩涼星沸簾箏線
響

西子妝叔問卜築竹格橋南水木明瑟

遂營五畝證以吳郡圖經跨流

而東陂陀連卷爲吳小城故墟

懷昔傷高連情發藻隄念昨年

結鄰之約幾時可遂因次其韻

池粉濯妝市簫掣淚半染吳根殘土挂誰涼

月照啼烏換當年錦帆歌鼓吳春舊賦柰傾
國不消再顧故宮顰臄瘦楊眉樣斜陽愁處
鷗鄰阻竹粉連牆未辨雙屐步一尊還約
看山來敞書簾淡蛾迎戶哀歌漫度問開徧
棠梨誰主咽荒塚夜夜漂花最苦
前調酬瘦公
津柳著陰夜窗隔雨夢醒青山歸晚渺然華
髮坐滄波怪十年故懷輕換清杯恨濺任拂
拭星文繡斷傷西風晚畫堂多少倦人殘燕
景西池宴屈戍銅鋪但有愁一片玉樓簾影

疆邨詞卷三

五

最玲瓏睡冥冥翠瀛三淺迷陽唱倦倚沈醉
蛾眉青眼怕重逢墨淚單衣漬滿

三姝媚秋夜餞北客離席聞歌感音成

燭花搖短夜撲簾衣新霜唳鴻來迓勸酌清
吭是未秋雲鬢泰孃聲價掩抑絃絃傳怨入
吳蘭殘帕彩筆休辭無數閒愁泥它陶寫
門外酸風淒射又送客衰蘭短亭嘶馬換疊
陽關促翠筵圓月背人西下似酒流年禁幾
度觥船狂瀉便逐鷗夷歸舸滄江恨惹

吳融唐多令雙清館賦菊呈蘇龕
鈿閣日初斜霓裳閒舊家病西風還護屏紗
消受伶俚寒蝶意香不到鬢邊鴉衰帽側
霜華尊前百感加卷簾人同是天涯教理秋
妝臨鏡看人畢竟淡於花

齊清商怨
琤琤涼葉下似雨颭岸燈三五怨動西風昏
鴉相爾汝輕橈芙蓉別浦阿邗邊畫橋朱
戶禁斷情塵撻蓬中夜語
武應天長陳鶴柴席上送劍丞

彊邨詞卷三

六

旋鴉亂葉驅鴈斷雲涼秋半翦樓幙斂避酒
場閒局風牀病鑿礪黃花社催素約認舊隱
聞風狂鶴亂襟衷一嗅寒香嬾問哀樂無
益是悲歌嚮老文園同調漸寥邈去去渡江
詞客孤吟當狂藥朝衣重知強著戀夢裏探
春雙屨賦歸晚驛路蒼煙須寄梅萼

齊天樂寒夜同蛻盦約父

黃昏連樹拳鴉際江寒笛聲不起擁葉驚波
呼風斷角淒別歸鸞千里鐙窗自倚漸冰折
吳縣薄醪慵理尙有殘香夜深不煥舊心字

卷荒雞空喚倦旅未應霜霰集誰整歸計箭
水餘聲糯紗淡色落盡涼蟾無寐西樓翠被
怕一夕將愁玉璫難寄曙蠟紅啼夢痕持淚
洗西窗風興愁兼秋韻重登意似勝涼

更飛鷓鴣天丙午滬濱除夜
莫厭屠蘇酒入脣雪餘簾戶轉奇溫接天鐙
色流連夜照海花光著暮春
吟鬢短彩符
新五湖猶是未歸人明年好辦扶犁去爲報
蒼山一幘雲

渡江雲滬上遇伯強旋復別去歌酒相

彊邨詞卷二

七

勞聲爲此詞

江風殘酒夜輓潮半落帶夢卷迴帆斷鐙春
尙淺濺淚看花冷約背梅庵嘶驢罷躍漸領
略荒雪江南吟望低白頭誰侶照坐有頽蟾
憊憊哀時詞賦送老關河攬尊前百感休
更將危闌煙柳分付何戡明朝照鬢秦淮綠
怕雨昏風暝愁兼歧路語重逢竟脫朝衫

掃花游花朝微雪和夢窗韻

甯空淡色黯杏葉河梁燕風微峭凍波乍嫺
卷愁心似惜亂沙鷗老覿冷春紅細蹋瑤光

鏡曉喚吳棹怕幽約五湖花夢稀到樓觀
還縹緲是亂蜃飄寒碎玉凝照度春草草被
瓊妃斷卻翠溫簾窈倦笛飛梅怨咽江城變
調柳絲早誤東園鳳韉人掃

八聲甘州暮登靈巖絕頂叔問爲述半

塘翁昔年聯棹之游歌以抒

哀用夢窗韻

倚蒼巖半暝拂春裾千鬟亂明星信閒僧指
點愁香黏徑荒翠通城故國鷗夷去遠斷網
越絲腥銷盡興亡感一墮鈴聲招得秋魂
來否對冷漪空醅渴夢難醒問琴絃何許飄
淚古臺青好湖山孤游翻嬾又咽風哀笛起
前汀托筇去小斜廊路雙屨落平

玉連環

彊邨詞卷三

六

花翻歌扇衣香卸夢雲低亞沙棠雙槩綺羅
塵愁不耐滄波瀉風定絮花凝榭晚鶯閒
話不辭高館領春寒堅坐看斜陽下

滿路花寒食酬叔問和美成韻

寒餘北崦風晴壓東闌雪睡鳧香四汎鄰煙
絕青門憶否十里絲楊折玉屐連夢闌蠟炬

灰枯漢宮尙鬪芳節
閒愁天與杜宇聲聲
血和春催去掉滄波接危闌拍徧纔信哀歌
切中坐絃能說說休唱行路難刻意傷別

前調清明再和簡叔問

闌枝過筆低鳥迹書落破泉香霏杏粥催新
火花慳酒帶一繭愁絲裹亂疊書圍坐薄午
簾陰病懷惟稱頽臥紅芳無主權計年年
左春湍流白日誰關鎖江湖滿地夢引樵風
過野鷗瀟勝我一棹相尋世外應有人呵

被花惱此紫霞翁自度腔也止尊叔問

彊邨詞卷三

九

一再和之余效之

梅風薄扇黯吳天如墨坐迷窗曉亂鳩催春
去多少青門白社銷年夢影鏡裏逡巡覺彈
劍懶著書遲酒杯祇稱花枝照主依舊去年
人閒恨萋萋似芳草煙蘿路背畫墜茗山倦
枕還尋到是寬鞵瘦策舊經行又飛絮飛花
故相惱一葉去省識臨盟鷗漸老

卜算子

千片惱吳花接葉鶯調語睡燼明窗一穗煙
夢響長廊雨愁著倚闌時歌斷臨觴侶自

惜流光輾轉看淚濕彌天絮
謝恩未寄與客
菩薩蠻

龍鍾雙蓂花前淚白頭驟領殘春味狂走信
孤篷東西南北風
曹騰經歲瞥不見蘭芽
茁澆酒背簾陰梨花寒食心

漁家傲

繞榻書籤兼畫燈朦朧散帙何曾竟老去不
禁茶力猛微睡醒風鑪煎朮供秋病高萬里
碧雲生鴈興行行書破青天影樓月半升簾
薄暝闌獨凭商音滿耳無人聽

彊邨詞卷三

二

香枕惜惜鐙翳冷螢開闔緣窗紙著枕搜
吟工夜計無一字曹騰病眼惟思閉半泣露
哀蟲妨短睡夢回練幕涼於水策策高林九
月底中夜起秋聲何與閒人事
惜紅衣中秋蹋月道叔問夜話兼憶伯

苑海濱索居情況用夢窗韻

度暝隨螢推簾動竹露庭一白載酒人來圍
落破荒碧吳叢桂老看小葉娥妝慵約香陌
皺破長牋著霜花陳迹
時倩叔問爲繪校夢盒圖
冥鴻

海側獨臥飄鐙流波浣離色相思未寄瘦客

耐秋寂銷得石湖鷗伴閒話水西雲北繫故
園心事惟有蒼蟾能識

西詞前調叔問既示新詞又疏論白石有譜

稽議同異謂次句日字爲韻證以

夢窗萊老二闕是破紐友疑塵爰

用其說和白石是解

倦舸隨潮迴筒限日病銷吟力抱魄江蟾吹
鐙半規碧清絃誤轉誰解顧當筵琴客春寂
香暗影疏說梅邊聲息西風滿陌來去吳
塵閒愁亂雲藉滄洲夢在舊國鴈行北解惜

彊邨詞卷三 三

暮年詞賦都是庾郎經歷要舊狂同理題醉

一園楓色

前調年時與叔問有買鄰之約遂巡未

就今將卜居吳氏聽楓園書報叔

問申以是詞再用姜韻

鴈老長雲鴉翻去日斷愁無力未了菟裘若
山怨凝碧寒花露點還解笑龐眉書客湛寂
西崦老仙約鷗邊將息紅香舊陌撩夢銅
駝巢痕半塵藉三年一覺瘴國渺南北好約
歲寒胥宇雪棹五湖吟歷只過牆清飲輕負

落杯山色

木蘭花慢陳伯平使君飲席話舊

傷滄浪桂樹素心寫小山篇笑楚製荷衣吳
謳簞節萍泊何緣飛仙素雲擁處要手剡南
斗灑人間不用流霞盪引鏡中畱得朱顏

幽禪一榻煮茶煙絲鬢幾年前惜冥冥此意
繆憂沈陸孤夢攀天鷗邊後期守定理雙綸
同上五湖船莫話滄桑事影湘心一碧潺然

洞仙歌丁未九日寄懷蟄仙杭州

無名秋病已三年止酒但買萸囊作重九亦

彊邨詞卷三

三

知非吾土強約登樓閒坐到淡淡斜陽時候
浮雲千萬態迴指長安卻是江湖釣竿手
衰鬢側西風故國霜多怕明日黃花開瘦問
暢好秋光落誰家有獨客哀吟馨香三嗅

幽韻惜紅衣伯苑歲晚北游執別依歸三疊

平韻入韻姜韻送之

錢夢清杯催裝短日滯人筋力轉海西風衝
帆破淞碧高鴻去遠窮望眼江樓羈客疏寂
歧路柳條疊離歌無息車塵九陌人海花
場文梁燕泥藉平居俊賞故國五雲北落日

古臺金冷吟望白頭重歷對五陵年少愁
澹單衣緇色

驀山谿吳城小市橋東聽楓圍退樓老
人諷古觴詠地也余將傲居其
閒叔問爲相陰陽練時日且舉
依韻報謝兼抒近懷

避風孱羽投老臯橋市流浪卅年蹤濯春波
故情紈綺鷗羣分席長負隔籬杯珍重意覓
枝巢書報燈花喜塵樊海角削迹疑無地

彊邈詞卷三

三

獨樹老夫家譜紅梅豔題難繼壓天霜霰憔悴
舊山心三畝宅五湖帆怕說菟裘計

惜紅衣張園秋晚草木變衰昭倚扶病
來游感近事仍和石帚

倦侶哀時長愁送日坐支孱力病裏登臺霜
林媚紅碧當脣注酒持一笑剛腸從客喧寂
涼雨鴈聲識殊方棲息明鐙廣陌盈羽狂
塵蒼波盪愁藉湛虛迸淚去國海西北斷得
故山歸思何地釣游尋歷酌晚英無語知是
誰家秋色

前調晦鳴病山別五年矣荒江臥病音
書寂寥病山郵示新篇兼道晦鳴
天南宦蹟漂零舊侶離憂如何用
石帚韻寄晦鳴靖州遂報病山不
勝歲寒之思矣

萬感逃虛孤吟費日老來心力鴈外封書蠻
雲去天碧離羣歲晚愁萬里閒關遷客音寂
鐙枕倦醒咽滄波風息 干班紫陌鳴殿春
雷青蒲舊聲藉觚棱夢墮下國斗垂北手握
楚蘭何事不許九關攀歷料爨書繙罷瀝酒

碧雞秋色

彊邨詞卷三

五

前調叔問暫客淞濱屏絕歌酒樓鐙坐
雨瓦對忘言重感旅逸悄焉賦此

六疊姜韻

病減霜尊陰沈海日苦吟猶力定侶耽慵忘
情遠山碧匡牀踞晚聞去鴈樓頭如客羈寂
香燼籟沈閱濛濛干息 羅窗粉陌百感無
端飄花淚波藉樵風但戀水國送南北卻掃
閉關何用不斷亂愁來歷辦釣竿幽計斟酌
石湖天色

解蹀躞 會叔間

鴈繩乍低江館晚背垂虹路素情題葉吳波
斷雲聚依舊一度迴腸引杯笛起西風送秋
何處 鎮吟竚期共青芝呼棹仙禽導幽步
夢迴蘿薜閒心去來阻君聽空外聲聲和人
今夜商歌病蟹愁雨

好事近 彭媽詞爲北山樓主人作

眠雨茂陵秋曾賦上林游獵誰乞金莖澄露
療琴心消渴 相哀幾輩顛雲鬢高樓句愁

絕肯伴鴟夷一舸勝雙清瑤札

事見海藏樓詩

彊邨詞卷三

三

荔支香近皋橋夜集送瞻園

凍靄官橋燈鮎雙畫艣透幙撼撼西風吹暝
淩波路天東一點涼蟾導客窺朱戶歌罷嫵
娜輕箏鴈猶語 游味淺漫拍徧河梁句歲
晚江空贏得倦鴻成侶紅燭樓心酒醒天涯
斷腸否夢委行雲一縷

彊邨詞卷四
歸安朱祖謀古微

篔簹處集

點絳脣試燈夜微雪和夢窗
白闌干
明雪羅窗小梅清靨妝初洗
試燈風起飄斷
行雲地
漏轉瓊籤說盡天涯事
愁如水曉
寒籠被春到檐聲裏

六醜滬上元夕和夢窗吳門元夕風雨

漸梅英墮粉翠幄煥花風新掣翦淞半江春

彊邨詞卷四

一

綃冰暈滅密逗芳節細漏丁東際繡旛雙影
近寶臺高揭蕃街走馬嘶塵熱霧絡銷香波
簾卷纈沈沈醞寒城闕被瓊簫成陣迤邐吹
徹吟吟淅漸歇况侵年苧髮記起傳柑事情
味別春芳又遲鳴鳩濺行雲倦趁曲坊巾韞
銀荷燼鬧蛾飛絕不堪是擲徧金錢換了舊
時明月歌塵定猶旋迴雪聽笑聲凝白闌干
外清鉛暗結

淡黃柳吳門重別瞻園

東風晚急吹得梅成雪眼看江城寒食節倒

柳郵亭漸綠十日相從正堪折
宴歌歇懽心賦春別打雙槳訪桃葉
賸吳天客鴈寒無列後夜相思
夢痕何處來往青谿淡月

霜花腴聽楓園春集用夢窗韻

五湖計熟罷遠游春來怕檢塵冠
臨水廚清鑿坏山近端居避世仍難
酒杯自寬繫舊情長駐花前算滄波
對席閒鷗亂愁不遣晚盟寒蘿薜
幾人招隱歎風枝未定怨咽驚蟬
棊局新悲鐙牀昔話籛吟限日飛
牋待租畫船欠翠眉歌裏便娟背
斜陽料理閒身小楓

彊邨詞卷四

二

臨鏡看

某前調宋詞人之僑吳者世但稱賀方回

吳應之諸賢叔問謂吳夢窗鷓鴣

天楊柳閨門之句蓋有老屋相近

舉橋其點絳脣懷蘇州詞所云南

橋殆指此又兩寓化度寺詞皆有

懷吳之思豈垂老菟裘固以此邦

爲可樂耶

謝堂倦客喚酒醒西風夢老吳皋煙草橫塘
玉梅妝榭詞仙去住無聊賦情紫簫又夜深

明月南橋伴年年老屋闌門帶鴉黃柳短長
條賓主百年逆旅算菟裘一席占了漁樵
朱邸尊空青門春去霜花醉墨飄蕭倦魂待
招料錦鯨猶戀迴潮過江人漫感山邱燕來
還定巢

瑞龍吟 寓園餞春伯弼和清真韻見貽

李酬一解

吳皋路依舊翠檻交藤露臺臨樹年年寒食
東風怨羅恨綺銷春甚處倦吟竚珍重勸
歸啼鳥戀人堂戶天涯楚客能狂對花對酒

彊邨詞卷四

三

低徊夢語無限浮雲心事短裾羞倚搖楊
狂舞歸燕慣瞋空簾人意非故塗妝暈色憑
寫傷高句何曾見雲屏淚眼香塵迴步鏡裏
千紅去凭闌待理黃昏斷緒重疊愁成縷年
事晚沈沈鎗花飄雨夜長漏促一箏塵絮

前調和夢窗韻

市橋面還是臥柳吹絲去波明練芳塵簾閣
悒悒黃昏細雨游絲自轉漏催箭容易曼
歌銷酒舊襟須濺烏衣也怯殘寒謝堂夢醒
春陰絮晚拋盡芳華前事過江人老行雲

天遠鷓鴣未休衰蘭歧路零亂
薦紅病綠今夕愁無岸不辭到
西窗燭燼南鄰鐘斷坐閱狂香
卷誤人睡裏清歌漸散懽緒東
風嬾空付與吳孃哀箏彈怨瘦
腰最惜幽單裙片

八聲甘州和柳耆卿韻

殢春殘病酒近黃昏東風冷於
秋正隔紗煙窈窕飄燈雨急相
望紅樓墮絮飛花不了好計一
年休江水知人意迎淚西流只
有高臺歌舞恁半妝易試急拍
難收覩雕梁如客驚燕爲誰畱
漲迴波天涯塵滿怕未堪重上
木

彊邨詞卷四

四

蘭舟簾前路變青蕪色怨引迴
眸

梅潤經熏不下衣閉門三日雨
晚鶯稀東風

和絮轉晴絲紅芳盡慵和餞春
詞不懽事隔

年非櫻桃三見後賸斜暉閒愁
取次報君知

漂花水流恨上朱扉

紅林擒近枇杷

分籠櫻初罷繫枝鈴乍圓素手
薦新雨霏香亂瑛槃東園西園
載酒坐想露嚼風餐舊約曾驢
雕鞍花裏閉門看綴蠟書未達
緘別

味餘酸相如賦癩渴懷愁絕眉山賸天涯春
老堂陰翠晚夢魂還泊湖上船

念奴嬌竹垞圖有藍謝青曹秋厓二本

皆作於康熙甲寅錫鬯客通路

時也玉息存先後得之索為小

詞志合并之雅用錫鬯原韻

曝書人老好池臺都共畫又飄泊碧玉通津

流客夢分付兩烘煙托千首填詞十年磨劍

心決歸耕樂小樓添否白頭依舊牢落難

得兩幅鵝谿一船虹月來侑郭筒酌坐憶承

彊邨詞卷四 五

平觴詠事展對涼堂清幕靈寶廚空豐城劍

合此事關邱壑錢郎句好須君補上巖角

右題秋厓卷子謝青畫作直幅別為四絕

句書之南垞修竹北垞蓮發興晴泓似朝

川輪與丹青曹霸手新詞百字照琅玕

詞乃索秋並時曹李稀縑墨武曾權園圖

並不知流此是鴛湖掌故圖為問歸耕煙

落何許兩裏幾人親釣小長蘆聯娟雙璧照書

持似南豐更不廉

以卷中題記求之得並見二圖者惟曾賓谷一

人副墨倘從君乞與雙垞公案一重添息

先得是圖於武昌曾倩錢塘汪洛年摹副史局金門絆幾春

然鷗性故難馴明朝載酒挈音去我亦江湖汗漫人戊申歲五月補錄舊稟並記

新鴈過妝樓張山荷嘗得薛鏡於吳市

背整思娟小印索書娟鏡

樓榜勝之以詞

粉蠹金匳閒情事綠窗影出娟娟舞鸞斜倚親見小字連環越縷披香籠裏角弁峰添黛暈眉鸞慣溫存夜來舊色銷與華年春風

彊邨詞卷四

六

盈盈滿篋伴上簾紺玉淺照低鬟賦情多麗空悵翠竹寒天熏鑪半溫繡戶問妝靨何時相向圓尋芳約料小凌春影不隔蓬山

念奴嬌月下過叔問吳小城東墅乃七

夕也歸來始覺之

樵風谿館有吳鷗分席閒緣瀟灑滅燭自攜涼月色來理茶瓜情話罷笛鴻歸開簾螢入一扇風無價稀星出沒薄羅雲意如畫忘卻天上秋期紅牆碧漢隱隱颿輪駕巧拙未關吾輩事贏得清涼今夜鍼縷閒情槃花綺

夢老去慵描寫高梧搖露遠空仙羽來下

驀山谿

輕簾四揭得月前龔早繞鬢聒飢蚊小朦朧
圍鴉催覺涼檐一雨蘿桁卷絺衣新酒殘短
鏗檠料理成秋笑炎涼覆手取次流光渺
不斷故山心被西風年年吹老飛鴻將夢一
夕上高樓攜玉笛問金莖此意無人曉

秋宵吟和白石自製曲

水窗虛苴蠟皎夢醒秋堂羈悄還依枕正霧
雨冥迷砌蟲咽曉理愁絲似亂葆倦客三
年江表銷凝處是盪晚荒波際天衰草瘦
盡青山未辦得一邱送老病侵潘令恨極江
郎攬鏡鬢霜繞天末涼風早滿目江湖鴻鴈
信杳怕高樓細數流光橫竹吹徹怨未了

小重山戊申中秋作

翠濕篁陰小閣寒酒銷渾不耐越羅單水蒼
風起燭枝殘驚禽去捎響碧琅玕投老臥
雲關眼中塵事滿素心難天涯作計理孤懽
無情月三度病中看

龍山會重九汎舟斟酌橋有憶是日瞻

園有惠麓登高次韻君特載酒
雙清之作亦依趙用父體和之
一艣秋無罅故苑荒煙臥柳樓臺亞五湖帆
未整塵鬢影窺向流花橋下迴陣側新鴻帶
林際山眉翠冶倦芳期涼叢麝粟金風碎灑
更還憶醉倚商歌白眼青天試五陵驕馬楚
籬搖落後流恨滿鄰笛西風殘夜京輦十年
心付杯底滄波亂瀉漫逡巡載香航尾鴟夷
重挂

彊邨詞卷四

八

寒花棲盜連雨春池孤吟慵和殘蛩經酒林
亭秋心著處迎逢江山感時搖落閒門還
對青松綴新眺傍清絃靜送天際冥鴻夢
斷芳華驕眼有西崦老鶴爲導仙蹤素約鴟
夷年年負了吟篷天涯借入叢桂漫逡巡招
隱西風倚闌處看歸雲猶戀舊峰
高陽臺再和叔問待月谿堂之作
寒玉秋筠衰絲暝柳簪頭淺畫林巒谿月生
遲低窺不照愁顏尊空尙戀迴腸地伴怨蟲
微語荒闌最銷凝獨夢飄鐙連唱投竿鷓鴣

鷓啼老江南事算樵風家世人外閑閑卅載
尖棲鶴天長占高寒鄉心歷亂趨殘夜有鴈
行飛度關山傍西風一倍哀時詞客休還

月下笛聞促織感賦

冷月牆陰淒淒碎響替秋言語羈人聽汝咽
愁絲黯無緒空階都是傷心地恁禁得衰鐙
斷雨正宵碁四起霜絃孤曳宛轉催曙愁
誤金籠住伴落葉長門枕函慵訴回紋罷織
舊家零亂機杼西風涼換人閒世問憔悴王
孫幾度等閒是變了潘郎髮夢寄誰去

彊邨詞卷四

九

安公子

雨氣昏圍夜夜聲風葉行空榭倦潑深杯人
不醉數南譙更罷見暗裏霜蟾影壁虛弦挂
偏背鐙臥起都無那漸曉笳淒動吹落瓊瑰
盈把重疊魚書迓避人吟覩成淒詫甲帳
珠襦前日事苦東風衰謝夢說與當筵莫漫
危絃卸鸞鏡塵中有滄洲畫恁竹黃池冷猶
是夕陽未下

鷓鴣

天高嘯桐病中索賦

眼底豈風事事新太虛何用競浮雲偶然出

手從盧雉未肯低頭拾惠文 憂國病苦吟
身全家壽藥起秋塵酒船茶具江天好乞取
鷓鴣自在春

玉燭新叔問送瑞香謂卽離騷九章之
露申也賦此報謝叔問以爲有
美人懷服之思
鉛霜和影颺是碎翦春愁蘂珠宮樣麝塵院
落東風外旋展流蘇成桁釵梁未上顆顆結
相思花網端正看分朶幽雲羞供少年新賞
香含風漫整新妝怕短夢蓬萊故宮潛悵眾

彊邨詞卷四

十

香斂避開落事試問孤根誰傍葳蕤玉障解
睡徹芳韶駘蕩休賺取屬酒春人熏籠夜帳
歸種桃花楚雲滿故國仙林如纈林外橫笛
呼隄春泥漸啼滑鄉緒引江關倦客柰岐路
短絲難折落手滄洲當歌白日珍重華髮
舊題句銀燭西樓夢塵翦東風黯銷歇誰遣
一艫新水送飛花如雪中夜起吳鴻試數對
月明酒醒傷別底事拋得鴟夷五湖空說

一院東風鶯對語中酒年光不定陰晴雨紅
萼盈盈誰是主珠簾錦帳新歌舞 人事音
塵關百慮墜絮飛絲都是愁來路淚眼畱春
春似許江湖滿地漂花去

大酺同江韻秋過顧氏園看牡丹

背石闌低花檐定深鎖仙雲成簇凌晨雕玉
帔竚鞞紅妝面弄姿金屋醉纈吹煙清陰漲
午擡舉東風嬌足玉環三生夢傍吳娃閒館
伴春幽獨柰書葉無題覆杯多恨鬢絲驚觸
懽游須秉燭酒邊事光景奔輪速惱亂是

彊邨詞卷四

十一

登樓病眼斷水愁心卷紅芳淚波盈掬未信
青春擲憑故國鵲聲催促況零落清平曲栽
買無地歸對庭莎閒綠怨吟爲誰更續

一萼紅花步里回棹示白琴

水西潯胷菴波小鷓鴣軋和春禽江雨黃梅
吳吭白紵輕送閒醉閒吟舊游換平煙廢綠
賸燕語偎定謝堂深打馬情懷焙蠶天氣經
慣銷沈 歧路不禁游冶甚扁舟俊約寂寞
而今芳影簾衣華年瑟柱愁緒雙繫疏襟未
須訝狂醒楚客對花發歌底少年心待說相

思又休月澹樓陰

華胥引重午感舊

新落凝礎閒雀窺幃
燥蘭舊節畫鼓聲沈
膏鑪爛短愁篆結不信
鄰笛驚風助曉吟淒咽
牆角雙檣褪紅還上
裙褶梅雨江南送離
魂怨流菰葉楚雲章
句沈沈秋心半篋晚
晚歸帆何處恨路長
波闊呵壁荒唐酌觴
清些誰畲

夢芙蓉南蕩汎舟用夢窗韻

簾花搖夢綺引行雲
棹過麗娃鄉里紺波無

彊邨詞卷四

三

岸秋在錦機外冷霞
熏客醉西亭曾試香
被脆笛風前呼秋人
晚步羅襪細塵起
卷盡吳魂網底來去
簫聲散落中洲佩
霸圖重問一笑鬧
紅洗遠峰休掃翠
鴛鴦解妒眉意料
理浮家尋鷓夷舊
話飄斷五湖水

高山流水七夕用夢窗韻

絳河不動九微風
數秋期輪徧織
蔥花外玉鵝笙
黃昏韻入初鴻
閒愁在唾碧拈
紅穿鍼伴多少
微雲院落畫燭
房櫳浸三星細
轉滴滴露繁濃
機中年年錦書
恨憑說與翠水

璇宮容易誤良宵夢約幾負香茸笑雕陵錦
羽偏工人天事輕賺羅池倦客酒醒清鍾下
疏簾憶斷釵盒故情慵
采桑子
雙蛾桂葉吳妝淺香裏憑肩水調初圓絳蠟
風銷細細寒月華人意分張後鴈語寥天
花夢空煙風景何嘗似去年

蕙蘭芳引

吹露晚芳點妝鏡半鬢雲綠記接坐知香
底最嫌曙促畫裯步起鎮對惱歌梁塵簌甚

彊邨詞卷四

三

淚彈不盡誤落石榴裙幅俊約微波離觴
歧路此恨盈目怕歸馬心情銷與素娥夜獨
開屏山翠夢沈小玉相見難南鴈短封慵屬
竹馬子再送白琴

嗟寒羽飄煙衰蘭泣露故山年晚向虛樓倦
對城譙角起霜林屏展坐惜獨客悲歌繅絃
倦軫漸催離宴眼底酒須醒要看人一舸秋
潮如箭為想經行地帆隨鴈落夢先湘轉
靈均舊日沈怨漠漠波塵吹換定憶聽雨風
情翦鐙吟事人隔吳楓遠驚颿萬葉黯斜

陽滿

臨江仙

喚笛渚風起冷禽
襟襟髡柳影
畫橋外斜陽豔
入衰荷
經過舊尋夢地
行雲重步屨生
波懽娛去換亂螢
窺席荒水飄歌
婆娑金槃翠醕
今夜無那愁何便
流連叢桂舊月無
多由它柰秦樓阻
書期誤怨發雙蛾
終憔悴爲有人含睇
薜荔山阿

卜算子慢

鑪煙候煥簾雨戒寒
倦極擁衾無寐
酒力初銷

彊邨詞卷四

古

銷更聽撼林驚
吹引霜天斷角
催人起換向曉娟娟
素景蟾華激灩無際
寂寞憑闌地漸眼
斷京塵夢迷湘水
後約丁甯坐費翠封
傳淚好年光
虛度衰鐙底
待與約江湖送老
怕歸鴻憔悴

雪梅香

酒無力憑舷獨客背
西風爲高樓
悵悵天涯
易發秋慵收艇汀洲
雨連夕近
橋簾幕水涵空
去程急盼斷書期
迤邐賓鴻
怱怱引離緒
燭外行雲淡畫吳峰
舊國年芳換將亂葉

衰紅斲地驚波古城曲隔年愁夢臥屏中依
前是倦枕沈沈魂斷疏鐘

彩雲歸

春陰日夜傍高樓好風光翠歇紅收驚夢回
鳳燭慙慙地惆悵事喚作無由尊前又彩雲
新怨唱吳天盡頭鎮間阻謝堂權語舊燕空
留休休江南恨地問傾城何事綢繆一波
去水萍絮狼藉未解西流算別來千歌萬舞
淚眼翻濕蘭舟重經過江草江花一路新愁
雨零鈴清明過何笛帆乘驪橋故居

彊邨詞卷四

五

昏鴉啼近連橋路暗雨如織孤雲一逝何
處門巷亂落花綦迹薄暝流焱旋起漸塵動
敲壁甚燕燕淒語東鄰此地無人解吹笛
天涯酒醒銷魂極但恩恩酹地空尊泣文章
枉換羈旅零落盡茂陵殘筆夜壑孤吟應省
今朝過了寒食待翦紙重與招魂夢斷楓林
黑

江南春中江李使君蘇東鄰小築故瞿

氏網師園址也以近于美滄浪

亭故名叔問舍人爲道昔年文

酒之盛用夢窗韻賦之

頽柳敬臺明漪淺發青瑤相拱如笏籠詩壁
壞冷舊家垂露秋筆門外稀來轍滄浪近步
塵更潔幾料理箴南蔕藥池北橫書吳皋占
斷煙月飛仙去飄絳節想汗漫青城夢攀
蘿葛山陽賸侶尙解說胭脂晴雪鄰笛驚風
歇斜陽外畫闌凭熱歸隱幾人秋語冷冷楓
根暗泉鳴缺

西河 庚戌六月羅癭庵薄游吳下訪余

城西聽楓園話及京寓乃半塘翁

彊邨詞卷四

三

舊廬迴憶庚子辛丑閒嘗依翁以

居離亂中更奄踰十稔疏鐙老屋

魂夢與俱今距翁下世且七暑寒

已向子期鄰笛之悲所為感音而

歎也爰和美成此曲以摠舊懷

歌哭地殘鐙事影能記劫灰咫尺上闌干夜

筇四起草堂人去薜蘿空西山窺笑檐際

舊庭樹誰再倚虛舟汎若無繫為君胥宇燕

重來退寒廢壘夢華一覺玉京秋閒鷗空戀

煙水 酒徒散盡醉後市問黃墟猶話鄰里

愁絕斜陽身世怕銅馳斷陌黃塵淒對西北
高樓浮雲裏

望海潮大夷秋晚度遼舟中賦小海唱

三篇見寄有云用遼猶足支天

下北睇雲山萬疊青又云待我

橫流聊濯足賭將黃海與君看

度非虛作壯語也爲演繹其意

以酬之

長風吹鴈飛雲橫鷁浮天萬里無休獨夜夢
魂千山鱗甲鏃笳暗入邊愁來作步虛游正

彊邨詞卷四 七

月明湘佩霜拭吳鉤元鶴聲聲十三屏外喚
清秋狂吟擊楫中流問蓬萊左股殘畫誰
收揮扇顧榮登樓玉粲茲行不爲封侯吹笛
喚潛虯要賭將黃海還與滄洲甚日鷗夷共
君晞髮五湖舟

南鄉子

素蠟燼無煙風轉高螢照屋椽秋病無名如
中酒頽然亂帙匡牀伴獨眠夢醒鴈南還
遼海書沈動隔年畢竟新愁吹不到鷗邊獨
自滄江上釣船

不賦金縷曲

數點籬頭雨濕年光如塵似夢鴈聲將去慘
結秋陰朦朧月隱印落花夕步更著袂清寒
如許莫費鄉園叢菊淚伴孤雲老臥滄江暮
持此意問鷗鷺天盈盈一水終無語儘畱連
沙昏石冷舊盟誰主試俯清漪窺衰鬢猶帶
十年塵土賸對立鷓鴣媚嫵萬事一身惟足
嬾又支筇數盡池東樹鴉陣起爲誰舞

浣溪沙曩閱都肆叢刊中見桂未谷寄

內詩賤有帷月鐙花二語吟詠

彊邨詞卷四

支

輒上口或謂未谷集中無此詩

也詞以紀之

筆訣依微蠹粉流江湖書客苦吟秋小賤傳
恨與妝樓惟月皎於新鏡面鐙花歧似古
釵頭復丁老去轉工愁
木蘭花慢庚戌歲除
閉門春未覺又鶯語報芳期恁寂寞心情酥
花舊影蜜苒新啼驚窺鏡霜鬢縷負鄰家折
贈古梅枝老鶴楓窗去久等閒落竹淒迷
天涯病枕未成歸醒到曉鐘時笑東風故國

紅情綠意都被愁欺支離歲朝倦筆算一年
芳物不堪題待理中園步履廉纖小濕春姿

鷓鴣天 人日汎舟花步里

市盡官河得雪清孤游移舸避妍晴春愁似
水連鷗起山色通橋與鴈平去年事換兩香
零題詩誰寄草堂靈酒醒寺寺鐘聲發彷彿
江船夜半聽

蹋莎行 狄文子客淮南過江見訪

臘雪欺梅春灰瀝酒過江人落東風後狂名
銷與短衣裝離心紛若長亭柳燕館霜絲
梁園月瘦卅年景物供懷舊白頭費淚與江
南亂花歧路愁時候

石州慢 聽成竹山談香雪海之游

客裏光陰啼過翠禽春到南國雲凹小萼絨
紅礪曲玉姿凝白尋香一舸際晚棹入空冥
湖煙銷盡雙旖旎碧斜月獨遠巡料芳心難覓
休憶兩京梅訊羌管驚塵未堪棲息慣住
天涯換夢東風能識傷春淚盡可奈歲晚何
郎江城還聽黃昏笛喚起五湖心仗尊前吟
力

南夢 二 妹媚 恪士有鄧尉探梅之約詞以速
之

燒鐙時節過正江春多陰縞空梅朶暝蹋蒼
煙話舊蹤能記醉楓紅臥倦屨空山游計屢
東風相左料理詩痕飄雨吳杯照人醒坐
身世狂花愁簸想素約閒鷗自銷塵沍雪老
波荒賸笛邊心事細禽啼破念別傷春春已
在雙崦單舸莫遣空枝千繞瑤臺夢鎖

點絳脣

宛轉鑪灰此中多少淒涼事蠟燭紅起又滴
彊邨詞卷四 辛

黃昏淚 漏斷杯空那得相憐計君知未換
紅移翠猶是東風地

陽春曲

去年愁今年事依舊望春淒絕簾戶好東風
黃昏近燕子歸傍畫梁說放鐙時節驚故國
墮梅如雪纔信粉拆紅黏醉醒中易成銷歇
倦游宴東園湔裙路誰誤約書花寫葉而
今歌塵綠徧濺迴波卷淚雙疊新聲但有暮
鳩更惱亂玉龍吹徹看門外逝水漂花去江
南夢闊

燭影搖紅 萬園海棠一株亭亭獨上出

樓蕢丈許今年作花最姷一

夕爲風雨所損詞以惜之

傾坐東風畫樓天半仙雲起照妝微暈淚胭
脂明鏡交枝倚繡屋秦箏夢底按梁州催吟
殢醉亂鶯啼罷換盡斜陽香紅塵世無定
陰晴蒼茫不解東君意眼前何地著春光顛
倒閒桃李欲賦華清舊事衍波塵寒淒蠹紙
睡魂不返燭爛屏山相思獨自

八聲甘州 五日飲花步市樓買棹而返

彊邨詞卷四

三

算年年五日太淒涼今年且爲懽正梅風薄
扇蕢煙卷幕水閣虛寒勝翦塘蒲漸老香噴
酒杯寬未會行吟意醒醉都難多事荒唐
呵壁把蘭荃章句拋恨湘沅笑江南倦客閒
戀檝頭船待流連釵符節物又河橋飛雨暮
催還垂楊外散迎神鼓疊棹輕瀾
臨江仙 沈子封將之官滇中與兄乙盦

暫客滬上偶有感於東坡謂子

由宦游相別之日淺退休相從

之日長二語以日長榜其寓樓

乙盞有詞依調和之

風雨十年孤舊約高樓一夕秋清碧天如水
鴈行成飄蕭梧竹底便有對牀聲可惜荒
雞撩夢起簡書爰鳥猶驚急呼明月送杯行
掃除心眼事雙笑送平生

漁家傲送趙堯生

幾日尋秋雙畫艫闌紅閒了橫塘路夢落西
灣香屨步呼酒處荒波怪石猶堪語容易
新涼生碧樹離心卻趁高鴻去一葉井梧飄
蠟苒須念取江南今夜蕭蕭雨

雪梅香

彊邨詞卷四

三

雨無極濕帆一一下江城對空洲蘅杜旋波
翠幕冥冥攪亂鴻音水樓笛盪搖螢點市橋
鐙愴茲夕路渺仙鄉極眼將迎伶俚偶十年
事說向蠻牋似夢疑醒倦迹江南庾郎自此
愁生酒殘秋諳病消息燭花晨換客心情還
侵枕萬葉驚颿空外商聲

祭天神送伯幾還武陵

望楚天長短黃昏雨斷行人成鼓聲中啼鴈
苦悲秋佩委衰蘭夢醒吳鐙語背西風一臥

迢迢滄江暮莫漫觸蛟龍怒
更淒絕斜日
新亭路山河異風景是舉目成今古問何堪
滄桑危涕兵火浮家庾信生平竟寫江南賦
暗香疏影秋晚過樵風別墅分殘菊一

叢歸以夢窗譜寫之

露黃一顧向故人帽底翻窺飛雪病起重陽
簾卷西風晚寒結愁味傷秋更苦惜縹壺家
泉冰潔記冷香呼取餘杯清事隔籬說
休道柴桑路遠小城正歲晚人事淒絕獨坐遺
芳便有東風不改漂搖柯葉枝頭甘抱枯香
死有霜後伶俚孤蝶願此花從此休開占斷
義熙煙月

彊邨詞卷四

三

浪淘沙慢

暝寒送緜霜覆水暗雨啼葉檐鐸敲愁乍急
帷鏡顛影旋滅翦不斷連環情緒疊是當日
驚帶親結問故徑蘼蕪夢何許前塵竟拋撇
淒切錦書寄遠終輟念玉几金牀西風夜
縹緲胡鳳咽嗟攬斷羅裾甯信長別恨腸寸
折明鏡前撈取中心如月
卻剗連峰平於
垤黃塵擁巨川頓竭怒雷起元冬還夏雪更

千歲倚杵天摧厚地圻深盟會與纏緜絕

倒犯辛亥歲除

淚眼看新桃舊符歲華如埽閒門閉早黏雞
畫燕都刪了誰家競弄簫鼓新聲林鴉鬧臙
炷火星寒不放東風覺漏壺乾未霜曉呵
手梅窗翠管銀罌前塵如過鳥夢起睇故國
又春綠將年到怕祇益花枝惱苦低垂白頭
吟望杳算百計誰如日飲無何好獨醒人已
老

